

鉅野縣志

十二
十三

DS
793
S42C683
1846
v. 7



鉅野縣志卷十二

特調鉅野縣知縣星沙黃維翰少棠氏手訂

人物志

扶輿磅礴之氣結而爲名山大川山水清淑之靈
鍾而生聖賢英俊人傑地靈王子安之論信不誣
也鉅邑地鄰鄆魯化被絃歌渚水盪其心源金山
挺爲文筆流峙之秀孕毓之奇不問可知矣粵自
宗聖衍洙泗之傳王晁應奎婁之象中同名公鉅
鼎高儒碩士代不乏人顧考之往昔則史冊輝煌
求之近今則聲華闕寂豈其地固殊與抑人之生

其間者異耳茲將舊志人物照舊編次不敢有遺
外上而朝宁謨猷下及山林隱逸靡不博採輿論
極力蒐求務使潛德幽光不傷淪棄嘉言懿行
示來茲嗚呼人之欲善誰不如我十室之邑必有
忠信後之覽者可以興矣志人物

舊序曰石蘊玉而山輝水藏珠而川媚人傑地靈
振古然矣邑自春秋以來賢哲挺生人材輩出其
間忠孝節義勲業文章足垂不朽者史不勝書惟
是前之已載者簡斷編殘後之堪傳者年湮蹟隱
生使典型墮地芳澤無聞其誰之咎歟茲特詳加
撰次極力蒐求將前代之彪炳史乘及今之允樞
輿情者悉著於編庶俾曩哲永其徽聲來修景其
芳烈而尊賢尚德之遺風與觀感作興之雅化亦
可以弗畔矣夫

○○○先賢
前增者拾壹人合舊志共拾肆人

春秋

曾

點

字晰世居武城鄒之後也禹孫少康封其

鄒世子巫奔魯去邑為會氏其後生點少孔子

六歲嘗侍孔子孔子喟然曰吾與點也傷禮教

曾

參

字子與點之子也少孔子四十六歲從孔

傳當周敬王三十九年孔子作孝經曾子述

孔子所授大學之道作大學又著有曾子十八

澹臺滅明

字子羽武城人少孔子三十九歲狀貌

退而修行行不由徑非公事不見卿大夫南遊

子聞之曰吾以言取人失之宰予
以貌取人失之子羽出史記本傳

曾

元

曾參子養曾子見孟子言公行子之燕遇
元於塗曰燕君何如元曰志卑志卑者輕
物輕物者不求助苟不求助何能舉氏羌之夷
也不憂其繫壘也而憂其不焚也利夫秋毫害
靡國家然且為之幾為知計哉

曾

申

元之弟嘗問於曾子曰哭父母有常聲乎
申曰中道嬰兒失其母焉何常聲之有穆公
之母卒使人問於申曰如之何對曰聞諸申之
父曰哭遊之哀齊斬之服饘粥之食自天子達
於庶人相慕爾也終幕魯也嘗問子思曰屈已
以伸道乎抗志以貧賤乎子思曰道伸吾所願
也今天下王侯其孰能哉與其屈已以富貴不
若抗志以貧賤屈已則制於人抗志則不愧於道
曾 華 申之弟曾子有疾華抱足曾子曰微子吾
無顏氏之才何以告汝然而君子之修蓋
有之矣夫華多而寶寡者天也言多而行寡者
人也鷹隼以山為卑而鴻巢其上魚鼈鼃鼃以

淵為淺而歷穴其中卒其所以得之者鉅也是故君子苟無以利害義則辱何由至哉官怠於宦成病加於小愈禍胎於懈惰孝衰於妻子此四者慎終如始詩曰靡不有初鮮克有終

曾

西元之子羞與管仲比賢語見孟子

樂正子春

武城人學於曾子之門下堂傷足數月

數月不出猶有憂色弟子曰夫子之足瘳矣也吾聞諸曾子曾子聞諸夫子曰天之所生地之所養惟人為大父母全而生之子全而歸之可謂孝矣不虧其體不辱其身可謂全矣故君子時步而不敢忘孝也今子忘孝之道予是以有憂色也其母死五日不食曰吾悔之自吾母而不得吾情吾惡乎用吾情

公明儀

武城人曾子弟子也嘗問曰夫子可以為孝乎曾子曰是何言與是何言與君子之

所謂孝者先意承志諭父母於道參直養者也安能為孝乎身也者父母之遺體也行父母之

遺體敢不敬乎居處不莊非孝也事君不忠非孝也蒞官不敬非孝也朋友不信非孝也戰陣無勇非孝也五者不遂災及其身敢不敬乎烹熟羶薌嘗而薦之非孝也養也養可能也敬為難敬可能也安為難安可能也卒為難父母既沒慎行其身不遺父母惡名可謂能終矣仁者仁此者也禮者履此者也義者宜此者也強者強此者也樂自順此生刑自反此作亦嘗師事子張而志其喪又嘗誦周公之言語見孟子

公明宣

儀之弟從學於曾子三年不讀書曾子曰宣爾居參之門三年不學何也公明宣曰

安敢不學宣見夫子居宮庭親在叱咤之聲未嘗至犬馬宣悅之學而未能宣見夫子應賓客恭敬而不懈情宣悅之學而未能宣見夫子居朝廷臨下而不毀傷宣悅之學而未能宣悅此三者學而未能安敢不學而居夫子之門乎曾子避席曰參不及宣其學而已

公明高

宣之弟有長息問於公明高事語見孟子按人物考以為曾子門人云

陽

膚

武城人爲孟氏士師問於曾子語見論語

子

襄

武城人曾子嘗與言大勇語見孟子

沈猶行

武城人曾子弟子有論會子避寇事詳見孟子

○○○○鄉賢

新編增補志一人合舊志其四十二人是

中木主此據府志鄉賢所有獲邀祀典確
有可據者俱於本傳中載明從祀鄉賢字
樣其餘是否邀祀豆之樂無從考証固不
敢妄加從祀名目但據其文章德業亦實
有無愧於鄉賢者
因就府志仍之

後漢

王

龔山陽高平人世為豪族初舉孝廉稍遷青
州刺史劾奏貪濁二千石數人安帝嘉之

徵拜尚書建光元年擢為司隸校尉已遷汝南
太守政尚溫和好才愛士引進郡人黃憲陳蕃
後進知名之士莫不歸心焉龔深疾宦官專權
志在匡正乃上書極言其狀請加放斥諸黃門
懼各使賓客誣奏龔罪後得釋以老病乞骸骨
卒於家子王暢初舉孝廉辭病不就大將軍梁
商特舉茂才四遷尚書令出為齊相徵拜司隸
校尉轉漁陽太守所在以嚴明為稱坐事免官

太尉陳蕃薦暢清方公正有不可犯之色由是復為尚書尋拜南陽太守郡中豪族多以名廢相尚暢常布衣皮褥車馬羸敗以矯其弊後徵為長樂衛尉尉建寧元年遷司空數月以水災策免卒於家子謙謙子榮

張

儉

山陽高平人趙王張耳之後也父成江夏太守初舉茂才以刺史非其人謝病不起

延熹八年太守擢超請為東郡督郵時中常侍侯覽家在防東城鄉鄉人朱並素性邪佞為不軌儉劾覽及其母罪惡請誅之覽遏絕章表並不得通由是結仇鄉人朱並素性邪佞為儉所棄並懷怨遂上書告儉與同郡二十四人為黨於是刊章討捕儉得亡命困迫遁走望門投止莫不重其名行破家相容復轉東萊止李篤家外黃令毛欽操兵到門篤引欽謂曰張儉知名天下而亡非其罪也欽因起撫篤曰張伯玉恥獨為君子足下如何自專嘆息而去篤因緣送儉出塞以故得免時伏重誅者以十數宗親並殄滅郡縣為之殘破中平元年黨事解

乃還里大將軍三公並辟公車特徵起家拜少府皆不就獻帝初百姓饑荒而儉資計差溫乃傾竭財產與邑里共之賴以存者數百人建安初徵為衛尉不得已而起見曹氏漸興乃闔門懸車不預政事歲餘卒於許下年八十四

仲長統

山陽高平人少好學博涉書記贍於文辭年二十餘游學青徐并冀之間與交者多

異之統性倨儻敢直言不矜小節默語無常時人或謂之狂生每州郡命召輒疾不就常以為凡遊帝王者欲以立身揚名耳而名不常存人生易滅優游偃仰可以自娛欲卜居清曠以樂其志作樂志論又作詩二篇以見其志焉尚書令荀彧聞而奇之舉為尚書郎參丞相曹操軍事每論說古今及時俗行事恒發憤歎息因著論名曰昌言凡三十四篇卒時年四十祀鄉賢

三國

伊

籍

山陽高平人少依邑人鎮南將軍劉表先主之在荊州常往來自托表卒遂隨先主

益州既定以籍為左將軍東使吳孫權聞其才
稱欲折以辭籍適入拜權曰勞事無道之君乎
籍即對曰一拜一起未足為勞籍之機捷類如
此權甚異之後遷昭文將軍與諸葛亮李嚴共
造蜀科之制由此
五人焉見蜀志

王

粲

字仲宣山陽高平人曾祖父龔祖父暢皆
為漢三公父謙為大將軍何進長史進以

謙名公之曾欲以為婚見其二子使擇焉謙弗
許以疾免卒於家獻帝西遷粲徙長安左中郎
將蔡邕見而奇之時邕才學顯著貴重朝廷車
騎填巷賓客盈坐聞粲在門倒屣迎之粲至年
既幼弱客狀短小一坐盡驚邕曰此王公孫也
有異才吾不如也年十七司徒辟詔除黃門侍
郎以西京擾亂皆不就乃之荊州依劉表表欲
以女妻之旋嫌其貌寢不果表卒粲勸表子琮
歸魏太祖辟為丞相掾賜爵關內侯還軍謀祭
酒拜侍中博物多識問無不對粲與人共行讀
道邊碑人間曰卿能闇誦乎曰能因背誦之不
失一字舉筆成文無所改定時人常以為宿構

然正復研精覃思不能加也著詩賦論議六十篇建安二十一年從征吳道病卒時年四十一

凉

茂

字伯方山陽昌邑人少好學論議常據經

補侍御史後為魏郡太守甘陵相所在有績文

劉

表

字景升山陽高平人魯恭王後少知名與

次子琮初平中為荊州刺史襲破宗賊江南悉

平因遣使貢以表為鎮南將軍領荊州牧封武

城侯表假節以為已援於是威懷兼洽萬里肅

清愛民養士從容自保又博求儒術關西充豫

李

典

山陽鉅野人典從父乾有雄氣家在乘氏

征徐州呂布之亂太祖遣乾還乘氏慰勞諸縣

呂布別駕薛蘭治中李封招乾欲與俱叛乾不

南朝

聽遂殺乾太祖使乾子整將乾兵與諸將擊蘭
封封破從平充州諸郡有功遷青州刺史整卒
典徙穎監令為中郎將將整軍遷離狐太守時
太祖與袁紹相拒官渡典率宗族及部曲輸穀
帛供軍紹破後遷捕虜將軍封都亭侯典宗族
部曲三千餘家居乘氏年三十六薨子禎嗣文
帝踐祚追念合肥之功增祔邑百戶賜典一子
爵關內侯邑百戶諡典曰愍侯
舊志無

鹿

念

字永吉濟陰乘氏人鹿生之子念好兵書

從者竊氏末創馬念覺即至取不處以緘三丈
置不束下而去後以殿中侍御史監臨淮王彧
軍時梁豫章王綜據徐州密約歸欵朝議以綜
為梁王愛子疑之募人往報驗其虛實念請行
軍馬間出徑趨彭城及綜降詔封念定陶縣子
除員外散騎常侍永安中為右將軍給事黃門
侍郎進爵為侯念雖居通顯志存謙退待賓親
加於疇昔而自無屋宅常假賃居止布衣糲食

寒暑不變孝莊嘉其清濤時賜錢帛又以斬呂
文欣功拜金紫光祿大夫尚書左僕射東南道
三徐行臺

後周

徐

招

高平鄉人世為者姓明於法律及朝廷舊
事多預議焉延昌中從征浮山堰有功賜爵高
顯男進爵為侯永安初射策甲科除員外散騎
常侍領尚書儀曹郎中永熙末從孝武入關中
拜給事黃門侍郎兼尚書右丞大統三年屢拜
驍騎將軍
子山雲嗣

宋

夏侯嶠

字峻極浦子幼好學弱冠以文辭稱太平

州累遷右贊善從征太原督芻糧於河朔遷殿
中丞通判汾州歲滿拜監察御史雍熙二年太

宗語有司曰此人朕自知其才行勿復奏擬卽
日改左補闕直史館賜金紫加直昭文館真宗
嗣位拜給事中知審刑院數月擢樞密院副使
命嶠爲翰林侍讀學士兼秘書監是秋江浙饑
命爲江南巡撫使所過疏理刑訟存問耆老務
從寬簡人以爲便使還采病民二十餘事上之
亟詔釐革又判吏部選事淳厚謹慎居官無過
失真宗愛重每以善人目之景德元年以選人
侯對崇政殿暴中風眩卒年七十二詔贈兵部
尙書錄其子大理寺丞晟爲太子中舍孫恭爲
奉禮郎姪孫蔚賜同學究出身崇祀鄉賢有集
十五卷大中祥符晟上漢武封禪圖蹟金匱玉
檢石碣石距之狀咸有註釋上覽而善之至駕
部員外郎恭至太子中舍

呂

祐之

字元吉文贊子太平興國初舉進士解褐

太宰軍節度判官移天雄軍召拜殿中侍御史
決獄西蜀還知具州換右補闕直史館同判吏
部南曹遷起居舍人使高麗還復獻海外單皇
澤詩十九首太宗嘉之淳化初判戶部勾院會分

備三館職以祐之趙昂安德裕並直昭文館以本官知制誥同知貢舉至道初拜右諫議大夫知審官院真宗即位轉給事中知襄陽歸掌吏部選事知通進銀臺司拜工部侍郎翰林侍讀學士至是裁七人祐之第其名氏刻石於秘閣祐之純謹長者不喜趨競所至無顯譽景德四年卒崇祀鄉賢有集三十卷宋史有傳

王禹偁

字元之濟州鉅野人世為農家九歲能文

授知長洲縣就改大理評事同年羅處約時宰吳縣口相與賦詠人多傳誦端拱初太宗聞其名召試擢右拾遺直史館即日獻端拱箴以寓規諷時北庭未寧訪羣臣邊事禹偁獻禦戎十策大畧假漢事以明之帝深嘉之二年親試貢士詔禹偁賦詩立就上悅曰此不踰月遍天下矣既拜左司諫知制誥是冬京城旱禹偁疏云一穀不收謂之饑五穀不收謂之饑饉則大夫以下皆捐其祿饑則盡無祿廩食而已今旱雲未霑宿麥未茁既無積蓄民饑可憂望下詔直

云君臣之間政教有闕悉第減之上答天譴下
厭人心俟足復故但感人心必召和氣未幾判
大理寺廬州妖尼道安誣訟徐鉉道安當反坐
有詔勿治禹偁抗疏雪鉉請論道安罪坐貶商
州團練副使四年詔拜左正言帝以其性剛直
不容物命宰相戒之直崇文館正字以便奉養
至道元年召入翰林爲學士知審官院兼通進
國計討駁司詔命有不便者多有論奏孝章皇
后崩羣臣不成服禹偁言后嘗母儀天下當遵
用舊禮坐謗訕罷爲工部郎知滁州真宗卽位
遷秩刑部會詔求直言偁疏言五事一曰謹邊
防通盟好二曰減冗兵併冗吏三曰艱難選舉
使入官不濫四曰沙汰尼僧使疲民無耗五曰
親大臣遠小人疏奏召還復制誥咸平初預修
太祖實錄直書其事與宰相張齊賢不協意禹
偁議論輕重其間出知黃州嘗作三黜賦以見
志其結句云屈於身而不屈於道雖百謫而何
虧四年州境二虎鬪其一虎死食之殆半羣鷄
夜鳴踰月不止大雷暴作禹偁手疏上遣醮禳
之詢曰官云守土者當其咎上惜禹偁才是日

命徙期州禹偁上表謝有宣室鬼神之間不望
生還茂陵封禪之書止其身後之語上異之果
至郡未踰月卒年四十八訃聞甚悼之厚賻其
家賜一子出身崇祀鄉賢禹偁詞學敏博遇事
敢言藏否人物以直躬行道爲己任其爲文著
書多涉規諷頗爲流俗所不容故屢見擯斥有
小畜集二十卷承明集十卷詩三卷子嘉佑嘉
言俱知名士後嘉言以進士第爲江都簿真宗
嘗觀禹偁奏章嘆其切直因訪其後宰相以嘉
言聞卽召對擢大理評事及殿中侍御史
按元之以磨詩得名試貢士歌遇主爲趙宋文
章第一廼直節勁氣鋒穎微露如忤乖崖拒梁
燭隱約光芒不可滅沒不獨以文章名也

晁補之

字無咎濟州鉅野人太子少傅迴五世孫
懋之曾孫也父端友工於詩補之聰敏強

記纔解事卽善屬文王安國一見奇之年十七
從父官杭州萃錢塘山川風物之麗著七述以
謁州通判蘇軾軾先欲有所賦讀之嘆曰吾可
以閣筆矣又稱其文博辨雋偉絕人遠甚必顯

於世由是知名舉進士試開封及禮部別院皆
第一神宗閱其文曰是深於經術者可華浮薄
調國子監教授元祐初為大學士正李清臣薦
堪館閣召試除秘書省正字遷校書郎復為著
作郎徽宗立復以著作召既至拜吏部員外郎
禮部郎中兼國子編修出知河中府修河橋以
便民民畫祀其像徙湖密果三州遂主管鴻慶
宮還家葺歸來園自號歸來子忘情仕進慕陶
潛為人大觀末出黨籍起知達州卒年五十八
補之才氣飄逸嗜學不倦文章溫潤奇卓出於
天成尤精楚詞論集屈原以來賦詠為變離騷
等三書安南用兵著罪言一篇宋史有傳

晁詠之

字之道補之從弟也初名深之字深道少

時蘇軾守揚州補之倅州事以其詩文獻軾軾
曰有才如此獨不令我一識面耶乃具參軍禮
入謁軾下堂挽而上顧坐客曰奇才也復舉進
士又舉宏詞一時傳頌其文為河中教授元符
末應詔上書論事罷官久之為京兆府司錄事
秩滿提點崇福宮有文集五十卷

李昭玘

字成季濟州人少與晁補之齊名為蘇軾所

每從容講學及古人行已處世之要相得歡甚用李清臣薦為秘書省正字校書郎加秘閣校理通判潞州潞民死不葬昭玘斥官地畫兆寘具棺衾作文風曉之俗為一變入為秘書丞開封推官徽宗立遷太常少卿崇寧初詔以昭玘嘗領搖先烈每改元豐敕條倡從寬之邪說罷主管鴻慶官入黨籍中居閒十五年自號靜樂先生寓意法書圖畫貯於十囊命曰燕游十友靖康初復以起居舍人召而已卒紹興初追復直徽猷閣

金

胡

勵

奎進士第應奉翰林學士至禮部侍郎金義帝奔祭城陷同其弟指揮使勉死之

元

胡祖廣

士顯長子字漢卿仕至通奉大夫浙東海右道肅政廉訪使贈翰林侍讀學士推誠

守正佐理功臣封魯郡公謚忠肅公爲童時不
好嬉戲儼然如老成人人多奇之時從鄉先生
授書穎悟大爲
同舍所推服

明

宋

滄

字伯濤正德戊辰進士授中書舍人陞刑
部員外清雪冤枉平反惟公選陞鴻臚少

卿歷陞左通政善疏陳時政六事俱中肯綮滄
貌偉聲揚敷奏明敏朝寧動色擢左僉都御史

巡撫四川入境宿神宣驛夜半有數鬼訴冤及
至成都乃訪向鬼所訴者核其情實置之法遠

近神之會白草番蠻劫掠安綿城堡滄移兵擊
滅之復所侵十八寨真州流賊周天星嘯聚可

三萬人官兵不能擒制請於朝發兵勦平前後
璽書褒賚陞右副都御史世宗每念滄功且熟

於禮嘗曰天下巡撫皆如宋滄朕真無憂矣一
日傳御札擢滄禮部侍郎掌鴻臚事主者奏滄

有功方鎮不宜處以寺卿遂寢已而五奏乞休
予告還里而卒鄉人慕其忠孝祀之學宮所著

有臺文稿十卷秉忠
定議十卷崇祀鄉賢

田

峨聲律字畫俱見重於世與兄嶠齊名著有
荆樹山房集行世

王

業字汝勤號雲坡嘉靖拔貢初授江西臨江
府字汝勤號雲坡嘉靖拔貢初授江西臨江

老母解組備極孝養居鄉樂善好施遠近親疎
均沾其惠享年九十有六沒後五十餘載邑人

追思不忘於崇禎十三
二年公舉從祀鄉賢

薛來朝

字應侯由歲進士起家領潁州倅生平慷
慨不輕嘻笑及登仕籍豪強斂跡所至以

保全善類為主致有冰桂之祥潁人土有永桂
詠一集後以不善向僕歸優游林下好行一切
陰德事邑之長吏不見也以疾終其子心維膺
泰昌元年恩選

葛

煥

字含光號逸叟邑廩生以子貴贈徵仕郎
戶科給事中沉默恬靜潛心理學事親承

顏怡志以孝聞父歿泣血哀毀事叔父如所生
同居二十餘載取與不自專教族姓子姪以禮

義擇其俊秀訓迪之一時聞風者四十餘人啓
編不倦手著焉貢便衆後學賴焉尤熟於史事
批點綱鑑二十餘卷悉關治忽源流又好施與
有孟心傳白光引者貧不能娶爲之畢婚其他
任卹亦多類此鄉人
舉其德從祀鄉賢

呂封齊

字孟賚楊守勤榜進士性至孝篤友誼不
輕然諾爲古文詞有聲好左氏傳詩必沈

宋開元大歷而下不論也比仕益自發抒諸體
俱備接郡邑大吏語不及私有所利病奮髯正
色不信其說不止詞瓌節瑋元之後一人而已
以故士論歸之稱海嶽先生歷任鳳陽府知府
擢直隸潁州兵備副使清操卓政厚德深仁未
易縷指也以勤勞沒於官南直士民懷之請祀
名宦邑人思其德公舉鄉賢子成樂以廩貢授
中書舍人成聲歲貢生孫敦彝以恩貢授掖縣
訓導曾孫心佐以
歲貢任館陶教諭

姚

黃

字洛濱天姿穎異貫通經史長於詩詞尤
工書法幼補博士第子員試輒冠軍天啟

間延修邑乘持論公正邑人心服白蓮陽梁系
衆防禦城池賴以保全文廟兩廡傾圯倡捐重
修崇禎元年卒邑之紳士追思不忘會請祀典
所著有友聲集詩遵註編書子去咎邑增廣生
博學淹貫與父肖性孝友事叔如父邑舉之辭
曰孝乃人子之職何以舉爲時推學行兼優直
指獎之孫孟寅邑庠生仲寅領康熙壬子武鄉薦

李鳳池

字竹亭世居江西豐城嘉靖間宰河南夏
邑登上考因與朝貴不合退歸林下隆慶

元年復起用由河東運判陞守陝西平涼府萬
歷十九年署鹽法道又三年卒於官祀名宦

曲愈卓

邑廩生母早喪哀毀逾恒父歿視異母弟
如同母學優者按院屢旌孝友後任莘縣

教諭

馬文健

嘉靖丙辰進士幼貧性介不妄交遊專心
墳典及登第擢御史執法不阿尋以年例

出憲西蜀屢立戰功威讐蠻洞後忤中貴罷家
居三十餘年杜門不與人事未嘗私刺公庭年

八十
三卒

張天愛

父易軒自高祖玘凡五世咸家山東為鉅

庠

學者多宗師之天性孝友事父母能怡其志

處

二兄敬而有恩家百口同爨無間語人以是

稱

其難嘉靖庚午舉於鄉凡幾上春官不第父

強

仕之謁選除河間府通判時三殿工起奉檄

採

石草食露宿與匠卒同甘苦以襄大役上命

大

司馬少保楊公往督諸軍公舉君自隨理行

營

儲餉設法轉輸百應不失大司馬以為能邊

糧

實弊數主者往往溺之君一一條除不遺纖

垢

至今遵其格久之論功有詔優賞予金大司

馬

復疏其賢曰一廉如水百廢具興張通判有

焉

吏部亦以君獨勞瘁遷河間府同知歷官三任

所

至以廉能稱以疾卒居人士民無大小輟其

事

而致哀焉謂天胡奪我仁父也得壽五十有

六

吏部左侍郎斯學顏為之誌邑人慕其義祀

賢鄉

葛應斗

字季衡萬歷己未進士幼孤性孝自髫髻

厲色更痛父煥積學雒文未耀務斲竟志於是

發憤下帷博極羣書文無不工及登第筮仕夏

邑三原邢臺三縣潔已愛民所至有聲內擢戶

科旋轉刑垣有錦衣侍御監都袁某等為宜興

私人多不法抗疏劾之卒為權相所啣拂衣解

組審謫大節朝野推重焉至於居鄉之救荒疫

而捍大災靖蓮妖而禦大患美蹟纍纍不能殫

述卒後里之紳耆士庶公籲當道入祀鄉賢

陳應乾 鉅野人值妖寇起前夕聞呼急去聲聲殊

獨完及歸羣小疑有貲以刃劫其父乾乞以身

代不得乃奮踊號哭慘烈甚賊義之並舍其父

邑宰趙延慶曾作

陳孝子傳祀鄉賢

解孔訓

字泗濱增廣生幼讀孝經反覆不倦常語

故事二親色養備至縱心有不豫不敢於親前

露戚容父歿棺槨衣衾務求無悔嗣是事母倍

篤母疾病遂設榻幃前日夜侍湯藥母一飯亦一飯母再飯亦再飯母不飯亦不飯如是者三年足不及私室及母彌留哭求遺言母以敬承先業篤愛同支為命及終喪祭一如父歿時既葬後按時祭告哀恫竟日弟孔誥早亡有遺孤撫養猶子外捐義田五十畝贍養族人且立碑戒後勿得侵廢

邑宰以孝子聞

畢

珣號楚白與從兄萬歷兩午副榜畢玉並以文學顯當時有二畢之目由廩貢令河南

尉氏縣攝篆懷慶府多善政士民立有生祠今猶存以年老解組歸卒於家著有含輝文稿行世康熙三十年河南人

士遑思不忘請祀名宦

高應祿

字蓮野壽百歲年高德邵舉鄉飲大賓邑侯以麟圻人瑞旌其門

郭萬侯

前明鴻臚寺序班郭時正玄孫字建吾生有至性年七歲值親疾即涕泣不食大父

給入別室號痛幾殞性和厚或侮之不與較其人旋悔謝好讀書理歸正宗文法先輩生平以

從學之士有不給者賜恤之行誼重一時既卒
崇祀鄉賢厥後子武孫魯藩皆以武功建奇勲
科第綿綿人以爲孝友陰德之報

張世瑤

字方水號醉菴邑拔貢元綸子也醇質自

喪卽哀禮兼盡識者奇之
色養父病請於神請以身代及歿哀毀柴立體
爲之廬又善事繼母施及母族待弟情義篤摯
其弟世城早亡以三子惟人爲之嗣且敦睦本
族從堂兄世琬故嫂氏子女胥爲收養畢其婚
嫁者五人復爲從堂兄世珍置棺以葬至鄉鄰
故舊凡有緩急求無不應常施黑神丸藥並方
增修落鳳橋以便行人多費弗計遇邑有公事
便民者輒倡先爲之無難色矣未邑凶歉施饘
首及錢以賑饑民學宮狹隘首先捐貲倡修比
落成爲遠近巨觀生平立心寬厚不樂置人於
不肖之地一日佃丁擁二竊盜至斥之曰若豈
爲盜者乞食耳釋之以故人無賢愚皆稱爲盛
德長者由廩生登康熙丙子科賢書闡墨及試

牘行世草書人競珍之卒年六十九歲邑人高其行請從祀鄉賢學使者批曰砥礪惟勤孝廉不媿讀書知大義敦至性於家庭處世有仁風式芳型於鄉黨宜崇祀典以洽公評

姚修身

字玉寰遇人急難則解囊以助時山左兵亂人多散離適有難民呂姓見其悲哀聲

切詢之乃父尋女夫尋妻者許其巔末則被虜且鬻非七十金不能贖身遂傾囊予之全其骨肉以歸族中子弟有俊秀可讀書者多所成就其他善舉多類此子鳴珂大學生董修學宮碑竭心力當事義之孫錡庠生

宋承應

字紹德中丞滄之曾孫由歲貢入太學聲稱藉甚性孝友故哀毀踰禮弟早亡撫

猶子若己子萬歷丙辰謁選銓曹授蜀之崇慶州倖多美政革除常例捐俸課士及署篆本州昭雪疑獄上臺稱其廉幹遂膺首薦以備殊擢公復愴然曰先中丞有功德於蜀祀名宦予假一官得以瞻拜祠下新廟貌闡功德吾願畢矣遂致仕卒於家邑人感其德率祀鄉賢生平著

述甚富有水雲居草忠義
黃邑庠生學行俱優曾孫毓慶為名諸生性孝
友好義務施享年七
十八歲子錦邑庠生

國朝

李

敦

字厚夫山西壽陽令多德政事績詳墓表

李惟一

字文原嗣沈子令常熟德政異等詳傳爾

鄒麗中

字敬東進士由庶吉士改發河南知鄭州

職謫戍松陽值訟冤者達

上聽復

其辨除判寶慶自陳親老改判彰德卒於任生平

不好為章句學文名振東國大學士陳世倌撫

山左聘為書院山長一時俊髦皆出其門居松

陽五載主席松川書院南中咸慶得師學士劉藻銘其墓謂麗中讀書講學夷險一節顛沛流離不以動其心近於古之有道者人皆以為不

証云

傅米石

字立元號練溪舉人博極羣書尤嗜宋儒

行闡明經史大義皆經體驗而出每據講席弟子執經夾侍雜叩疑義條舉百家之說剖同析異較若列眉斥王氏學尤力從遊者多以通經名於時奉母能色養嘗一歲喪子四不敢以戚容見母兄玠石諸生弟岱石先領鄉薦皆以學行著時有三傳之稱諸生時試東郡有營塲屋弋獲術者許以百金叱之與絕交妻某氏因喪子代爲置妾詭覺巫呼女之父母至折券遣之後舉三子次子爾德雋京兆試著有春秋說採入四庫館在傳解練溪詩集行世盧雅兩山左詩鈔載其孝友實行甚詳

○○○○政績新增者俱於各朝代下註明前後叁拾貳人合舊志共柒拾柒人

前漢見舊志

許廣漢皇太子外祖父既立封昌成君地節三年封平恩侯諡戴侯亡後初元元年弟延壽

中子其侯許嘉嗣後為大司馬車騎將軍嘉子

河平二年封嚴侯許況嗣況子鴻嘉二年質侯

許旦嗣旦子建國四年侯許

敬嗣王莽敗絕見前漢書

許延壽以皇太子外祖父同產弟侍中關內侯有舊恩封樂成侯為大司馬車騎將軍輔政

諡敬侯甘露元年子思侯許湯嗣湯子元初二

年封哀侯許常嗣王莽敗絕見前漢書

許舜以皇太子外祖同產弟侍中長樂衛尉有舊恩封博望侯諡項侯神爵三年封子康

侯敞嗣敞子甘露三年封戾侯許黨嗣黨子平

河四年封釐侯許並嗣無後見前漢書

張隱 薛郁 王訪 宣靖公 褚恭 劉祇

田林

俱山陽高平人號八

檀

敷

山陽高平人爲衆令與張
儉范滂號八友見淵明集

三國魏

新增魯峻郝慮二人

滿

寵

字伯寧山陽昌邑人年十八爲郡督郵郡

糾焉

朔等請罪不復鈔畧守高平令縣人張苞

爲郡

督郵貪黷亂政寵率吏卒收之詰責所犯

即日

考竟遂棄官歸太祖爲大將軍辟署西曹

蜀爲

許令故太尉楊彪收付縣獄尚書令荀彧

少府

孔融等並囑寵但當受辭勿加考掠寵一

無所

報考訊如法數口求見太祖曰日楊彪考

訛無

他辭語當殺者宜先彰其罪此人有名海

內若

罪不明必失民望竊爲明公惜之太祖

即日

赦出彪初或融聞考掠彪皆怒及因此得

釋更

善寵後爲汝南太守賜爵關內侯力戰有

功進

封安昌亭侯文帝即位遷揚武將軍破吳

於江

陵有功更拜伏波將軍黃初三年假寵節

錫五年拜前將軍明帝即位進昌邑侯景祿
年遷太尉不治產業家無餘財正始三年薨諡
曰景侯子偉嗣偉以格度知名官至衛尉偉子
長武有寵風年二十四為大將軍掾魏志

單

固山陽人為人有器識正始中兗州刺史令
狐恩辟固為州吏曰固當仕進自可往耳

固不獲已往後恩與王凌謀司馬
太傅楊康露其事固與愚皆遇害

魯

峻字仲嚴昌邑人祖某監營謁者父某修武
令峻治魯詩兼頗氏春秋舉孝廉除郎中

謁者初為河內太守丞丁父憂起司徒府侍御
史初為頓邱令視事四年有政聲遷九江太守
以公事去官以司空王暢舉徵拜議郎太尉長
史御史中丞延熹七年拜司隸校尉以母喪自
乞拜議郎服竟還拜長騎校尉以病辭官年六
十一熹平元年四月卒門生私諡忠惠鏹碑登

郗

愔字鴻豫山陽高平人少受業於鄭元建安
初為侍中從光祿勳遷為御史大夫十八

年帝使愔持節策曹操為魏國公愔常與少府
孔融同見帝帝問融曰鴻豫何所優長融曰可

與適道未可與權慮舉笏曰融昔宰北海政散民流其權安在慮融互相長短操以書和解之

見魏志

新增檀憑之王沉二人

晉

虞

溥

高平昌邑人父秘為偏將軍鎮隴西溥從

都令史尚書令衛瓘尚書褚詵並器之稍遷公

車司馬令除郡陽內史大修庠序廣招學徒移

告屬縣時祭酒求更起屋行禮溥曰君子行禮

無常處也故孔子射於矍相之圃而行禮於大

樹之下況今學庭庠序高堂顯敞乎溥為政嚴

而不猛風化大行注春秋經傳撰江表傳及文

章詩賦數十篇卒於洛時年六十二子勃過江

上江表傳於元帝詔藏於秘書

滿

奮

龍孫性清平有識見晉元康中至尚書令

也

司隸校尉晉諸公讚曰奮體通雅有寵風

王宏字正字高平人魏侍中泰始初為

汲郡太守撫百姓如家耕桑樹藝室宇阡陌莫
不躬自教示在郡有殊績司隸校尉石鑒上其
政術武帝下詔稱之曰朕惟人食之急而懼天
時水旱之運夙夜警戒念在於農雖詔書屢下
勅勵殷勤猶恐百姓廢墮以捐生植之功每思
監司糾舉能否將行其賞罰以明沮勸今司隸
校尉石鑒上汲郡太守王宏勤恤百姓萬方督
勸開荒五千頃而熟田常課頃畝不減比年海
饑人不足食而宏郡界獨無匱乏可謂能矣賜
穀千斛布告天下咸使聞知後坐事免官復起
為尚書卒贈太常晉夏夷傳

檀憑之

字慶子高平人少有志力閨門雍肅為世

所稱撫從兄子五人皆若已出為會稽王
驃騎行參軍轉桓修長流將軍轉東莞太守加
寧遠將軍與劉裕有州閭之舊義旗之建憑之
與劉毅俱以私艱墨經而赴才雖在毅後而官
次威聲過之裕以為建武將軍善相者晉陵章

叟見憑之大驚曰鄉有兵阨不出三四日及桓
元將皇甫敷至溫落僑憑之戰敗為敷軍所害
贈冀州刺史義熙初加贈散騎常侍曲阿縣公
見晉書

王

沉

字彥伯高平人少有俊才仕郡文學掾嘗
作釋時論以明其志時王政陵遲官才失

實君子多退而窮處遂終
於閭里見晉書文苑集

南朝
北朝

舊志無

鹿

生

濟陰乘氏人穆祖時為濟南太守時三齊
新附人懷苟且蒲博終朝頗廢本業生立
為首免連坐之法保伍自相糾察勸懲有方民
咸力作後改官淮陽太守旋卒見通志

李

崇

字永隆高平人英果有籌算在周以父賢
勲封剋樂侯起家州主簿辭不就官求為
將兵都督隨宇文護伐齊屢以功勲封宗縣公
尋為懷州刺史進爵郡公見通志

田

宏

字廣客高平人勇敢有謀畧歸周太祖深
被引納進爵為公從太祖復宏農戰少范

解洛陽圍破江橋陝口將軍開府口同三司平蕭
廢帝元年加驃騎大將軍開府口同三司平蕭
詔又討西平鳳州羌氏及信州羣蠻保定元年
出刺岷州動遵法式百姓安從隋公東伐還
會吐谷渾寇西邊宏討之獲其二十五王坂七
十二柵尋復破齊將段孝先拔宜陽宏每臨陣
難鋒直前身被一百餘箭破骨者九馬被十稍
朝廷壯之建德中拜大司空遷少保子恭嗣爵
觀國公其後亦顯
於隋唐見通志

唐舊志

夏侯秀幽州人宦濟州鉅野鎮遊奕使因家焉落
籍於此

五代舊志

夏侯浦秀曾孫梁開平中以明經至棣州錄事參
軍

宋新增李邴晁無斁李蘊三人

呂文贊

濟州錄事參軍因家焉

范

諷

濟州人以廕補將作監主簿出知平陰縣會河決王陵歸水去而土肥田失阡陌民

訟不息諷分別疆畔著為券民持去不復爭操持在己吏不敢欺存視貧弱至豪猾大家峻法治之舉進士第再遷通判鄆州時知州李迪貶衡州副使宰相丁謂戒使者持詔書促上道諷輒留迪數日為治裝祖行累官翰林學士

晁

迥

世為澶州清豐人自其父侁始遷家彭門迥舉進士為大理評事歷遷太常丞真宗

即位李沆薦擢右正言直史館獻成平新書五十篇理體一篇召試除司諫知制誥判尚書刑部庶官臨事未嘗挾情害物真宗數稱其好學長者其後為濟州鉅野人所著翰林集三十卷道阮集十五卷法藏碎金錄十卷各知餘書隨因紀述昭德新編各三卷異母弟晁迪贈刑部尚書子宗慤宗操

晁宗慤

賜進士及第除館閣校勘三遷大理寺丞

集賢校理兼注釋御集檢閱官迺領西臺宗慤
求便養通判許州仁宗卽位遷殿中丞同修起
居注元昊反以宗慤安撫陝西與夏竦議攻守
策未還道拜右諫議大夫參知政事後進翰林
學士未幾知審官院祥符元年遷尙書工部侍郎
郎知通進銀臺司獻玉清昭應宮頌其子宗操
繼上景慶宮慶成歌帝曰迺父子同獻歌頌緒
糾問美事也史成擢刑部侍郎進承旨時朝廷
方修禮文之事詔令多出迺手嘗夜召對帝令
內侍持燭送歸院拜工部尙書集賢院學士判
西京留守司御史臺賜一子官河南以就養後
遷禮部尙書居臺六年累章請老以太子少保
致仕天聖中迺年八十一召宴太清樓免舞蹈
子宗慤爲知制誥侍從同預宴向坐御史中丞
之南與宰相同賜御飛白大字旣罷所以寵賚
者甚厚進太子少傅卒年八十四贈太子太保
諡文元宗慤性敦厚事父母孝篤於故舊嘗密
詔訪邊策陳七事頗施用之弟宗簡贈吏部尙

書

晁仲偃

宗慤子庫部員外郎

晁端友

府志稱端友字君成仲偃子生二十五年

君之詩清厚靜深如其為人而每篇輒出新意
奇語宜為人所共愛而其子補之於文無所不
能博辨俊偉絕人遠甚將必顯於世吾
以知君成之有後也

晁端彥

金部員外郎見南豐集

晁端禮

字次膺端友弟熙寧六年舉進士兩為令
侮上官坐保甲事中以罪廢徙著有閒適

集一卷其從姪悅之誌其墓能改齋漫錄政和

癸巳大晟樂成蔡元長以次膺薦詔乘驛赴闕

會禁中嘉蓮生遂屬詞以進名並蒂芙蓉上覽

之稱善除大晟府協律郎不克受而卒

前半舊志

晁悅之

字以道文元公元孫自號景迂仕至詹事
著占易十二卷

晁載之為親卿今作雅齒自任

晁公武父冲之字叔用一字川道有才華不第著

晁伯宇為封邱丞

晁無斃名失考鄉賢補之胞弟為寶應宰與陳師道善唱和有詩載藝文

王邠禹偁曾孫中進士第入黨籍中

李邴字漢老昭玘從子中崇寧五年進士第官起居舍人北方用兵酬功第賞日數十百

邴辭命無留難除給事中遷翰林學士高宗時為兵部侍郎兼直學士院苗傅劉正彥倡亂邴面諭以逆順禍福之理未幾由尚書右丞參知政事旋罷又起資政殿學士紹興五年詔問宰執方畧邴條上戰陣守備指畫綏懷各五事不報卒於泉州諡文惠有草堂集一百卷

金

李

續伯玉邴嗣子充福建路轉運司兩易至
管教宗院以歸旋丁外艱服闋遂隱居不
仕行詳墓志朱晦翁先生撰

王維翰

鉅野人大定中舉進士為永霸令縣豪欲
嘗試維翰設事陳訴維翰窮竟之遂伏其

辜杖殺之健訟哀息

元

俱舊志

胡德安

勵之子也金義帝奔蔡汴人皆走公奉母
渡河北東平嚴知公辟掌書記後賜嘉議

大夫禮部尚書上輕車都尉封瀕城郡侯李氏
封瀕城郡夫人

胡士顯

德安長子也博學善言隱居自遂不應州
郡府時論高之元贈中奉大夫湖廣等處

行中書省參知政事
護軍封瀕城郡公

胡祖賓

士顯次子博學尤精於理數為文以理為
主有聲當時臺閣薦之授翰林國史編修

拜南臺御史

胡復理 忠肅公長子 明學 儼有 大節 授 汝上縣尹 兼防禦史 殊有政聲

山東憲司 交薦 蜚聲 臺閣 有清流之選而事變告矣

胡復性 忠肅公次子 舉進士 選充經筵檢討 再授翰林院國史編修 女道貞為闕里五十八

代襲封衍聖公

胡羽桂 隱君長子也 族中為最長 儀度清爽 氣宇軒豁 令知都督府印

前伍人舊志後自于錦起至姚恭止新增者柒人

王鐸 中戊子京闈初授浙江開化縣丞 三年考績以廉能著聲 陞兵科給事中 每奏議合

上意 又陞應天府府丞 因事忤旨 嘗令人詣訪其私蓄官署蕭然 遂賜金帛以旌其廉

楊復 中甲午京闈任戶部主事 姿宇軒特 識見通敏 以清儉自持 時皆重其廉幹 後陞本

部郎中 封親亦如其官 以禮致仕 卒於家

曹

敬

字惟一舉人初任陝西洋縣儒學訓導考績陞直隸藁城縣教諭身教有方賢才輩

出後行取授南京湖南道御史以疾卒於家

姚

安

中癸酉科鄉試歷典順義息縣永城教諭有奇才平生以詩酒自娛其於世故紛華

泊如也以著述為樂有月坡集傳於世

李

麟

字文瑞進士任湖廣道御史自少好學不憚苦心經史扶持正直沮抑奸邪朝貴皆

嚴憚之以疾卒於家

于

錦

字寶甫嘉靖二十三年進士授戶部主事監兌蘇松崇清約卻餽遺有指揮犯贓錦

置之法眾謀傾之同錦行忽登舟檢行囊惟圖書耳乃相顧駭走歸不問及視儲通州值俺答

犯京師仇鸞自大同入衛上書告急詔令錦隨軍督餉絕城出犒師論功擢河南僉事調湯廣

有判官以剛方獲罪督撫欲戍之錦以為不可乃得免歷工西參議副使會浙兵變為其

之法撫安其衆轉陝西參政以遺產

州左布政使俗多翫法錦至肅然尋歸以遺產

于若瀛

字文若號念東錦子也進士授職方主事

遷太僕少卿督東路馬政尋陞右僉都御史巡撫陝西時版升不刺諸部反若瀛綱繆邊防條舉多端盡見施行陝風受稅瑞深永之害先誣咸陽知縣滿朝薦遠獄朝薦素得民心若瀛疏云國家二百年培養士氣如朝薦不阿權璫者有幾人使獨抱覆盆之冤縱不爲士氣惜寧不爲社稷惜乎疏留中陝稅故萬兩其地山多田少無商賈額徵皆腹民膏髓若瀛請停得旨以徵在官者解其二留一以賑饑蘭州織造尤苦不支請罷之不報若瀛歎曰人貴行其志耳志不得行安用官爲憤惋發病喟然曰時之變也豈惟進難卽退亦不易吾不得首卽以遂吾退庶幾亡身報國以明吾進言已而卒初若瀛在樞曹潔已持正如校武闈則代售絕散軍糧則

海侵消罷柴薪之羨爭禁旅之出皆關大計而
培人才撫孤弱尤所加意值承平日久士大夫
雍容劍履矜名飾節若濂謂人曰今人專尚和
同和同未已叢脞將生黃老清言均是害道朝
局仕路之變有先見焉其人倫鑒所錄秦士如
王圖解經邦王之采皆顯名當世至書文詩畫
博洽精妙與東阿于文定公齊名時稱山東二
于贈副都御史予祭著弗告堂集超閣草二十
卷行世子麟喻亦
能文驥逸在文苑

陳伯友

字仲怡魯之子進士授行人擢刑科給事
中甫拜命卽劾罷河南巡撫李思孝俄論

鄉之麟科場弊宜勘奄豎辱駙馬冉興讓宜置
之法楚宗英樵蘊紡良吏滿朝薦王邦才等宜
釋已又言陛下以清明之心不幸中年爲利所
惑皇皇若不足以致財匱民艱家成微骨之貧
人抱傷心之痛今天下所以枕隍傾危而不可
救藥者此也又言李廷機去國操縱不出上裁
至外而撫按內而庶僚去留無所決斷士大夫
意見分歧議論各異陛下漫無批答曷若盡付

外庭公議於以平曲直定國是乎帝皆不省
廷弼為荆養喬所許伯友與李成名等立主行
勘既又陳時政四事言擬旨必由內閣昨科臣
會六德之處分閣臣葉向高之典試悉由內降
而福王之國之旨亦於他疏批行非獨褻天言
抑且貽陰禍法者天下所共黜國公沐昌祚請
令其孫啟元代鎮已非法矣乃撫按據法請勘
而以內批免之疑中有隱情御史呂圖南改提
學此爭為賢彼爭為不肖蓋息兩家戈矛共圖
君國大計福王久應之國今春催請不下數百
疏何以忽易期疏亦留中不報尋以艱去服除
廷議多排東林遂不出至四十六年以年例解
家除河南副使天啟四年屢遷太常寺楊漣劾
魏忠賢伯友亦偕胡世賞等抗疏極論明年十
二月御史張樞劾其倚附東林遂削奪莊烈帝
即位詔復官未用而卒明史本傳

初大獄起親知恐其不免伯友怡然題其齋
曰海鷗居日與諸弟子講心性之學凡名士
多出其門所著有盡心編通鑑刪正治亂幾
鑑將相偉畧及覽快覽恨海鷗居集若干卷

懷宗初卒優恤祭葬如例又按家傳伯友號旭窓弟仲翕字中恪號霽窗幼有神童之目

入稱二陳

陳展銘

字我愚號揚先伯友仲子也進士授山西汾州府推官未任賊已破汾州入國朝

改除陝西宜川知縣縣當秦涼孔道荏苒族聚
屢銘招來渠首王永強等推誠懷之順治三年
寧鎮標將王元馬德乘兵譁作亂聞總督集兵
會勦懼而逃謀自宜川西走隴坂合賀珍于成
紀展銘檄王永強邀之山口出不意殲其衆擒
元等送軍前乃招徠勸農人樂更生葺學舍建
書院士風丕振兩預分校棘闈所取皆名宿奏
最擢吏科左給事中尋遷右知無不言如正國
是汰浮屠飭法紀禁賄賂諸條皆甚剴切而劾
察戶部侍郎孫塔特貴戚橫索騷擾驛夫直聲
震天下十年轉禮科仍掌吏科給事中銓者意
有所私委衆會議展銘正色直言重拂銓者之
意因被而排斥之注曰樸誠宜堪外用謫河南

州畫草舊集正餘升江道一理三正方
歸年八十二卒於家詩文雅練著有崇樸齋二
卷據行狀

陳昶誦

字永先伯友猶子也幼孤養於伯父崇顧
三年與弟昶則同舉於鄉十年登進士第

知三原縣政尚寬和均役賑荒因事補救有彭
秦恃秦府護衛為逋逃藪昶誦飭諭不悛叛形
具昶誦集衆出不意破其巢又招降高傑等尋
以卓異入為戶部員外郎管中府草場供用庫
督練餉時內府匱乏昶誦劑量盈虛會計精當
濟寧災諭德楊士聰疏請蠲卹部議免舊逋昶
誦曰是虛名非實惠也尚書倪元璐從之得旨
如所請闖賊陷京師昶誦變姓名羈旅江淮者
十年歸里衣短後衣跨蹇驢東鄙人不知其士
大夫也昶則博學能文早卒昶誦撫其孤焉昶
誦之寓江淮也居邵泊湖僕田秀棄妻子從之
偶入揚州貸食城陷被鎗死參家傳

張

淮

舉人制行端方理學深醇任河南鞏縣知
縣政通人和以循吏稱

姚

恭

字震陽永樂歲貢任陳留教諭陞獲嘉縣知縣政績載獲嘉志十世孫學甲於乾隆

己丑道經其地見公去思斷碑鐫有句云淳良我愛民風俗清白人稱吏子孫自魏俊起至馬負圖止新增者拾伍人

國朝

姚之英

戊子拔貢襲累世書香弱冠能文授浙江衢州府通判時耿孽未靖奉命監軍能出奇計致勝擒其渠魁賊乃盡平凡一攝縣篆一署府篆所至有聲後敘軍功越陞以足疾解組歸教子讀書

享年六十卒

侯靖宸

字存棊恩貢生工文辭孝友風著明季賊衆相戒無犯其里初司訓江南真州有豪

商與諸生訟懷金以謁乃指大江誓而斥之商避謝諸生遂得直遷諭偏陽會淮海大帥孫顯邑之湖陵劇寇多指累士民靖宸毅然獨詣軍前昭雪無辜聲淚俱下全活者數百人繼遷本省蒿陽以年老邑人士競執弟子禮授經義舉

藝稱一時巨手為邑文獻皆得於庭訓者居多

軒轅易

字丹陛進士兩任江蘇江都知縣貞操卓

士民哭訴保留制府麻題請復任閱半載以
母憂歸大學士熊公賜履寧薦廉能易居其首

特用未及陞補而卒

魏

俊

字超干副貢生性嗜學無寒暑間事親色

算以益父壽父夢先世僕啖以粥病遂差人以
為孝心所感官蒙陰教諭遇寒噤不能延師引
入署資以膏火成全甚眾時奉憲檄查辦費邑
賑務無濫無遺改補夏津倡修明倫堂邑令雅
重之然非公事不輕至縣署或以獄事具百金
挽其一言怒而揮之其人慚而去卒於官

姚

掄

字俊廷少穎悟不甚喜讀書而行文如宿

同人博酒為樂同人約赴鄉試堅不行強之乃
可比入闈題紙飛下振筆疾書畧不經意榜發

獲售屢上公車不第考授內閣中書雍正庚戌
歲大歉奉旨督理本縣及鄰邑賑務至

則查詭戶恤流亡俾民均沾實惠任中書數年
計俸推陞以疾引歸卒於家

李觀橋

字靖位性剛正多隱德補鹽運提舉司提
舉改選湖南常德府通判府憲與某縣令

有隙欲謀共擠之力持以爲不可有屠販被劫
傷命事關墩兵白於府縣俱不入以事聞卒雪
其冤時諸城劉相國奉旨至楚巡查官

吏嚴憚上司委令往返供億中堂深嘉其廉能
許具摺保奏因病弱難任勞旋告假歸卒於家
年四十有五

田華

其害漢陰縣志載其事甚詳以報最遷刑
部主事獄多平反有與長官不合者皆力爭

之不少屬時劉文正公兼刑部每謂人曰司官
盡如田主事

民可無冤矣

田進

號靜齋世家青州明永樂間遷於鉅鄉賢

居奉親先意承志歲延明師課家塾凡親族中
才質稍異者悉爲招致使有成就遇艱窘者必
出資設法俾免饑寒歲值大祲出困粟散之族
人一日而盡城門傾圯官勸捐修獨力修築俾
章縫一里皆免役焉旣病遷銓平陽府丞時晉
省城工方興保德嶺高水深人力難施州牧段
以憂勞病故大憲難其人兩司會議太守蔣方
保進陞陞度地設法凡灰石工役不抑其價民
皆踴躍刻期告竣故牧靈櫬孤寡留滯不能歸
傾囊贈之再署保德邊關之民壺漿相迎越關
山而來者十餘里相望歷著遼州隰州兼攝曲
沃民之頌德與保德無異兩辦科塲捐米粥以
惠士子又署寧武守屬吏有欲開木廠者請於
上憲屢檄催辦陞持以爲例不可開恐爲士民
害卒寢其事民甚德之秩滿推陞路安守會當
事者故爲留難竟以加級回原任遂捐陞部郎
解組絕意仕進及卒時鄉先生共商易名之與
以王事慎勤持已恭正可以靖稱睦族恤隣遺
愛吳晉可以惠稱遂諡曰靖惠先生

姚

箴

字仲和少讀書不就棄儒為農因弟筠入縣庠第一見獵心喜復修故業閱歲亦領

縣首入泮與弟先後食廩餼有名於時終因棘
聞以例貢銓禹城訓導禹舊例教職管理學戶
詞訟苞苴盛行書識上下其手箴至請託賄賂
一概謝絕而據理直斷羣服其公丙戌歲被令
委分查災戶悉心稽核災民胥受實惠無逃亡
者會有諸生數人條陳鉤盤河事宜觸令所忌
與平原令會詳褫革置於獄禍且不測箴口舌
為諸生師坐視其冤而不救何以官為遂據情
申請各上憲事乃得白時年八十以老得歸
士民共紀德政於石歸十餘年訛言箴已故邑
紳呈請入祀名宦而箴固矍鑠無恙生而獲邀
祀典亦異數也

傅爾德

號金樵嶧縣教諭行詳學士劉藻所撰墓
表載金石道光己亥邑拔貢王孚等公請

人祀鄉

賢待詳

姚鳴庭

字容臺號梧園歷任浙江義烏秀水烏程
等處知縣升正憲司

向學額四名附入温州府學嗣文教日闢七次
詳請 奏設專學建文武二廟設訓導一員廣
學額四名捐廉創建書院培植人材並添設養
濟院收養俾獨時海盜蔡牽跳梁捐修城郭添
造大炮十位捍禦各口隘獲匪三百餘名招安
投誠者五百有奇講武修文德威並用海氛日
息至今玉環之人德之浙閩閣督部堂節相文
勤公廉其才端摺保奏引見擢嘉興府旋丁
內艱服闋奉 特旨簡守鳳陽時寧國府涇縣
有所謂世僕者住主屋種主田葬主地相沿已
久訟徒往往欺其微賤多方詐害訊得其實三
次申請安撫入 奏奉 旨悉放為良民
而挾詐之風頓息其他德政多類此嗣以俸滿
引 見奏對稱 旨交軍機記名方將大用旋
因年老罷官回籍年七十有六卒於家子三長
鼎業浙江鹽大使次怡熊江西候補通判三子
洽知州銜現陝西候補知縣

徐石峯

字雲衢號鐵崖舉人性穎異下帷攻書嘗
期年不著枕蓆自忘其苦邑侯廖公稔知

峯文章德行敦請督修文廟及文昌諸祠殫心竭慮營建一新銓山西孟縣知縣不數載固圉悉空外戶不閉並修葺書院捐兼俸以作膏火士民德之行詳行述墓表惜無從採錄道光己亥邑紳姚學錦等公呈實行籲請從祀鄉賢待詳

劉錫朋

號梅軒舉人初選黃縣訓導以母老陳情終養教授生徒既母卒服闋歷署萊陽樂

陵益都充郡蘭山等學補按縣教諭所至不受鎖遺整頓士習以俸滿銓授浙江泰順知縣泰為溫屬僻壤民刁俗敝數十里無絃誦聲下車後紳為革薄俗興文教修堂廡纂邑乘安良靖盜泰人頌之老尤工詩有集數十卷及卒鄉謚文憲先生

姚學甲

號半塘進士宰江南嘉定縣多善政士紳賦詩志感稟為姚公美政集邑舊有陸靖

獻公士民感恩祠因公議設姚公神位於右取先後媲美之意以志不忘其人心推重如此聘修山右潞安府志晉人稱為良史分校江南棘

鍾麟外文正諸老宿皆其門下士著有文集
藝簿書偶寄文稿行世外有石門雜著未梓

魏起睿

字若研進士俊仲子也性穎異敦行力學宰栗陽時邑多健訟知名訟棍以百計良

民畏如虎竭下車後廉得其實拘首惡四人痛懲之士民稱快奉限徵積欠得七百餘金旋奉

文詔免卽留抵下年錢糧聽訟多平反不媚權豪民賴以無冤聞邑有菩薩之稱士民建生祠

於城東隅肖像祀之卒年九十有二

田華基號岐山進陞四子例貢生遵豫東例報捐知縣選授安徽寧國令將之任靖惠先生

誠之曰汝欲爲好兒必須作好官基恪遵庭訓方以勤謹見稱於上游旋卒

卞德猷

字鴻業舉人歷任教諭道光己亥邑拔貢姚鑒等不忘懿行公請從祀鄉賢待詳行

志詳墓

李迺橘

號梅村天性純樸未冠入泮乙卯舉人嘉慶戊辰大挑二等任館陶教諭課諸生悉

政績

三

遵鹿洞條規並倡率紳士重新學官卒於官都
人士痛失師範扶輿時多相從至鉅洒淚而歸

馬負圖

任商城尉詰奸弭盜戢兵安民以勤勞卒
於官士民懷之立感傷碑中丞熊公諱奮

渭爲
之傳

附錄 卜氏政蹟

卜

式

字子伶 先賢卜子七世孫考 卜子衛

泗卒葬於曹州北十里今河澤縣境後人名其

地曰卜垌都今祠堂墓碑在焉式初拜漢中郎

賜爵左庶長旋拜齊王太傅轉為相元鼎中代

石慶為御史大夫式以直言放歸田里將遊於

齊道卒鉅野鄉人即助葬於此子孫因家焉名

其地曰卜伶垌今名卜家樓建有 先賢卜子

祠春秋致祭

卜

彪

字伯雲 卜子八世孫為河南太守有政績

卜世隆

字子盛 卜子十二世孫為大中大夫

卜

階

字象升 卜子十四世孫為東平王蒼郎中令時明帝遣使入西域求佛教作崇正

論以寓意

卜則聖

字希之

卜子五十一世孫時河決淹沒

免人以爲不絕

先賢之祀云

卜崇高

恩例壽官

卜咸

字先恒

卜子十七世孫爲太尉李固橡

隱於縣之金山

卜仁

字善長

卜子十九世孫有智勇從李將

卜之才

字蓋臣

卜子二十九世孫爲單州司戶

卜秉義

字崇正

卜子三十一世孫官建州太守

卜令演

字人龍

卜子三十九世孫官中憲大夫

卜并吉

字元善

卜子四十五世孫爲單州司戶

丙子兩兄與社諸友赴省試皆意氣自雄謂
取元魁如拾芥囑舜年以中式後善為部置舜
年佯諾之暗為自售計潛從他道行抵省另僦
屋居塲事畢始與兩兄晤出其文其抑掄之時
昌樂間公愉同寓各以闡作相就正少所許可
獨於舜年之文大加稱賞及榜發果獲售兩兄
俱落第解元則閻公也後屢試禮部不第選授
泰安州學正並攝書院掌教知名士多出其門
越數載年老告歸卒

安文亮

字貞淑歲貢任濟陽縣教諭性剛正有學
問現子若孫俱以孝友世其家

姚鉅鼎

字非百生時父夢大鐘故名由拔貢中順
天舉人授淄川教授以著述為樂有思訓

編時文二
集行世

魏朝

字覲光進士初讀書苦不成誦至抄經粘
几案上約三日始盡一帙數年後靈明日

闢遂通諸經旁及史事以淹博稱且敦倫飭紀
不沾沾以帖括見長授畢節縣令抵任數日卒

著有敬業齋

文稿行世

傅玠石

字潤侯邑廩生性至孝事親能以色養家

謹雖屢躡棘闈而學問品行皆見重於時雍正初舉賢良方正

張淑淵

號桃源拔貢生州同義龍子也天姿醇粹孝友性成念初遷鉅野家業草創俎豆未

新爰糾率族人修南軒先生祠堂以妥先靈子乃賡襲恩生奉祀又具呈上臺求始祀魏國公入鉅邑忠義祠木本水源之思敬宗收族之念其天性有過人者生平篤志好學弱冠遊庠旋食餼嘗讀書君山六年不家又苦窮鄉僻壤無所就正因遊京師執經於崑園黃太史之門太史雅重公奇其文謂青雲可旦又致奈學優數奇棘闈屢困雍正癸卯督學彭文宗拔貢南雍補鑲藍旗教習秩滿銓四川灌縣令下車多惠政士民頌之因以直切忤上官意未三載罷歸遂絕意仕進建金蘭書院教授生徒多士雲集年五十九卒著有兆原集古文行世

傅瑛石

字修元南苑元帥銓莒州學正行詳墓表

道光已亥邑拔貢姚鑾等公請從祀鄉賢待詳

傅岱石

字東觀米石胞弟天姿穎異以少多疾病父不令就外傳乃於私室中別置一案晝

夜研索數年通全經旁及史事皆有心得甫弱冠補博士弟子員食餼後益自刻勵鍵戶下帷

康熙丁酉捷於鄉授內閣中書

姚重錫

字申之少為諸生才名與兄永錫又錫堦中康熙乙卯副車出本邑衛大尹之門大

尹故名進士素愛之時主司以元擬乃為大尹所抑及榜發悔無及常舉東坡過眼空迷目五色之句以為生平憾事然自是益相期望代為延譽奇於數屢試皆北而名益重四方來學者日益夥婿薛以時以文相就正常稱其渾然元氣將來必為一省冠冕及歿後以時果於癸巳恩科以毛詩領鄉解其藻鑑不爽多類此性友愛年老欲析箸與仲兄商以伯兄有五子已

與仲祇一子數田五千畝析為五分俾伯兄得其三已與仲兄各一伯兄堅不可再三慰解乃從之時人以爲有古人讓產風

劉家瑞

字麟兆邑廩生祖世重邑文學望重一時父宗泗廩生家瑞襲累世書香之後居家

孝友積學勵行名噪藝林秋闈屢薦不售

士論惜之鄉諡孝定先生行詳墓志

姚拱極

字隨齋會極之弟少讀書與兄齊名先後入庠食餼中年隨父兄任葛巾布袍見者

不知爲貴介子弟也會極官平定時自署旋里

贈路費數十金辭曰兄薄宦淡泊無用多金十

鎊可抵家矣從一老僕乘欸段馬取道故關於

石澗揀圓潤石子裝而載之響馬數十人偵其

緇重以爲黃白物尾至井陘狹道劫其囊極從

容曰行李馬匹盡以相與願留石子歸作案頭

清供賊啟其囊僅布被敝衣並數金一毫不取

嘆息而去生平淡名利惟以讀書教子爲務舉

丈夫子四

黃文煥

能養志母衰病冬月苦足膝不得暖嘗以

身溫其被褥母飲食必先嘗而後進終其身無

怠容父先有養子某煥兄事之如同氣與諸昆

季析居肥瘠不計有古人讓產風少穎悟六歲

入家塾過目成誦再閱歲十三經卒業未弱冠

補博士弟子員以高等食餼試輒冠軍時與同

邑張子慎李梓材兩先生並推麟川三子蓋以

三人之字紫綸子慎梓材音相諧又皆負重望

也晚好太史公書為文高古有法允邃於理學

四方士就講於門下者無虛日著有四書約義

藝林咸望就梓以公同好臨歿取平生所著悉

焚之曰學求其是錄悉不合適誤後人心境之

謙虛如此子公美邑諸生亦以文學著

田華壩恩貢生少沉靜言動有法受書嗜宋儒義

正者歲數十人父教素嚴偶不怡輒跪自責弟

子為羅拜庭下得請猶不去候父色怡乃起父

晚罹風疾刻依牀褥先意承志父忘所苦遇物

恭而有禮有犯者正容悟之多愧去為文雅正

如其人學使者嘗刊其試藝以楷士林晚不第
門戶蕭然以教子課孫為樂除夕客過之雜誦
之聲猶徹戶外從姪鈞同學蚤達雅敬服之謂
文學行誼根柢宋賢今之古人也問者皆以為
然家鄭村學者因稱鄭村先生年八十一卒仲
子光介選拔孫縉廩膳生璘庠生以詩禮世其
家

魏

陸

字殿颺邑舉人奮志下帷負性英異不為
拘迂曲謹之學敦孝文宗承讓有鄰右侵

其田恐家人與爭潛令人邸其界石以授鄰據
鄰知之乃大慚服由是鄉鄰有爭畔事聞其風
輒自解著有集
慶堂稿行世

卜尊賢

字雲子先賢卜子六十四代孫世以大宗
主祀康熙五十九年詔求先賢後裔賢

攜諸牒陳請奉准依顏孟例世襲五經博士始
得修祠奉祀好讀書明大義恒惻惻以玷辱先
賢是思束修自好持已接物一本於誠貝大宗
師嘗稱曰尊賢篤實真西河家學也居鄉尤勇

困人多倚重之

解汝楫

字來茲歲貢生讀書之外一無所嗜終其身手一編不倦

李其彭

號果軒歲貢生經明行修尤工詩律著有詩訣數十卷邑人奉為矩矱

解大本

字淵齋號允中恩貢生已酉選拔大簡兄也不耐世務鍵戶下帷與弟同硯席互相

程課日談詩古文詞娓娓不倦卒之日鄉諡靜純先生有手批學庸啟鐫行世

劉家珣

字宸建歲貢生一生奮志讀書制行端謹鄉黨重之

孟宗美

翰林院教習原籍鄒縣其先世自前明分亞聖六十三代孫舉人連捷成進士授

居鉅野住城西關以誦讀傳家入庠序者十餘人宗美篤志下帷通經粹古著有慎譚齋文稿

行世在京供職三年請假回籍至家卒

姚

振

字興斯歲貢生諸叔皆名諸生負時望振少承庭訓以許魯齋胡文定兩先生為宗

經明行修望而知為端人正士且訓課有法邑侯廖延主講麟川書院不阿私不受贊孤寒

多所成就子四能讀父書俱先後入邑庠少子學建尤有聲孫肄三畏三省先後入邑庠俱

以學行著道光己亥邑選拔王孚等念其夙訓公請崇祀鄉賢待詳

解學斌

字再瞻舉人性耿介好讀書數品勵學甫中式旋卒士論惜之

于秉亮

字興南秉元胞弟幼聰敏日記數千言精律呂正楷法領鄉薦房師鄭板橋深契重

之丁丑大挑知縣撫憲徐名績係丁卯同年以

年力精壯堪膺民社勸出仕堅以未得甲科辭

遂授淄川教諭著有課塾文集北遊詩集藏於家

傅玢石

字嵩楠資質穎異師事胞兄修元弱冠卽補博士弟子員屢試冠軍乾隆壬申以第

六人魁其經嗣是教授鄉里數十年登其門者皆成名宿

李格

字洞巖歲貢生有學問能文章年逾七旬

一藝揮筆立就塾師傾服命弟子計之去歲
劉元修館其家三年將所著文分爲二集並作
弁語一日童試寶筏一日
先正法程享年八十有七

李樹屏

號榴園歲貢生明經修行究心性命之學
集宋儒論說著有四書字義彙解二冊行

世

魏起麟

字仁趾邑舉人讀書日誦萬言年六十餘
猶手一編不倦博極羣書凡天文地理以

及諸子百家莫不淹貫嘗語人曰吾生平所嗜
者此耳著有批點綱目通鑑纂要集慶堂稿行
世自言志詩曰桂籍終須或
有名果至老始獲售未幾卒

于廷欽

字敬軒醇謹篤摯有古人風七歲失怙事
母孝遂於理學早歲食餽教授生徒不計

修金遠近從遊者多所成就乾隆甲午登歲薦
庚子選訓導以年老辭歿後門人及鄰里公諡
孝惠先生
立碣於墓

張垂經

號儀亭拔貢淑淵孫恩生乃賡子也明倫理識大義析居後胞弟垂拱夫婦俱亡遺

子女俱幼

經撫養一如已子嘗舌耕於外令子

姪在家

從師受讀每自館歸即以已得修金代

姪輩

奉師無所吝兄垂芳性簡訥以族中雀鼠

聖名

辭內公赴縣庭代質兄若不聞其事者有

友朱良

修陶邱名士也嘗宿經家贈詩云世守

文章

貴家傳道義雄修來賢子弟何必位三公

其見稱

如此且敏而好學十三經注疏各有折

衷故發

為文章湛深經術試輒冠軍棘閣屢薦

乾隆甲午

以額滿被落房考吳千里郵書詩諄

以大器

晚成勿懈前修相勸勉已亥科已中正

額四十九

名時功令初限七百字竟以溢十七

字抑置

副車主司惜之壯歲肄業濼源書院十

餘年與

乙未科榜眼汪芝田同學至契後汪宦

於京虜

致書相邀並致書囑睢寧令面訂乃允

遂北行

嘉慶戊午年七十一以疾卒於京師當

病篤時

汪知不起衣衾棺槨及一切殯具悉出

已貲預

為營辦攜置榻前使一一過目額之而

而不知垂經之先施宜得此報也楊諱可春字
宜之號問渠後累官
府道歷城人並書之

解大簡

號廸中思貢生大本胞弟已酉選拔性
敦古處不諧流俗常閉門不出曾自撰室

聯云欲知世味須嘗膽閱盡人情好閉門嗣官
日照教諭日以訓廸生徒為事與丁安二孝廉
相往來談今道古深相欽洽是年受業者安鈴
登賢書丁守存後亦成進士授職部曹邑侯彭
公諱翊嘗謂有古人風著學庸啟蒙行世嘉
錫文士多出門下卒之日鄉諡靜莊先生
李嘉理號藍圃拔貢多識博聞貫通經史肄業成
推重晚年乃棄舉子業潛心古文
別裁詩著有十洲山房文集
于秉元字統四優貢生經師人師名望交重出門
下者多以科目顯即其弟興南中式皆其
教也歿後鄉諡文惠先生及門私易恭和先生
時有輓聯云一鄉薰德思王烈諸弟傳經仰鄭

元皆實錄也著有四書
析疑並課塾草藏於家

鄒

元字乾初恩貢生性孝友聰明過人善書
多才親族鄰里多依賴之年七十有八安

寢而逝

劉元介

號筠亭歲貢生性孝友工詩賦終其身與
兄弟同居友愛無間家事悉聽主持故得
潛心習舉子業每試不肯作第二人想督學謝
試山左歲科俱冠軍嗣是文名噪甚乾隆庚

戌

駕前巡

召試中丞長預取入書院詩古文詞每課

優等家居時從不私謁公庭偶因他人事掛縣

案邑侯陳久慕其學一見喜曰真非公不至

之君子也命作白駒賦及鴛羣鴝立麟臺第一

峯等詩極蒙嘉賞許其大器必晚成屢薦鄉闈

不售庚申選授德平

縣訓導年八十卒

李

字雍燾拔貢生任高密縣教諭詩禮傳家

劉方琪字觀文歲貢生去歲元修明父奉令承教以次入宰食

饒一生專以讀書為事勃率理學敦尚古處不樂仕進不妄交遊年八十有七卒

李

濬

字澄涵號澹崖歲貢生天資穎異博覽羣書工篆隸能文章而性情恬退年未三十

卽捐棄舉業時花養魚以自娛暇則正襟危坐終日無倦容家雖貧市物不爭值與人交質直無文兒序生淳性素豪不屑計家人產業有勸與兄析爨者必正色斥之雖家中落而胸無芥蒂伯仲之間

苑雍如也

鄒汝檀

號慎堂舉人自束髮就學至老不倦教授生徒不出戶庭而四方雲集從遊者悉知名士道光已亥邑紳郭濯等臚具懿行公請從

祀鄉賢待詳

田光鈺

號暮樵岐山長子拔貢生好學篤行守先世家法教子弟謹嚴自奉約待人多厚德

事鄰里義之

劉家炎

字雪巖恩貢生性孝友粹經義行文清矯拔俗設教鄉里邑人士多出其門卒年

八十有一

蕭維超

字邁千廩貢生嗜學善書篤孝友好施與一生最佩服古人為善最樂四字府憲以

南宮雅望旌其門

耿德興

字道隆恩貢生英敏積學教授生徒遠近知名士多出門下卒之日門人哀慕公

立神道碑易名文敬先生

薛鴻漸

號南窓恩貢生父太曾增生家法嚴漸事之以孝聞並能得繼母歡與異母諸弟

處友恭無間暑年入泮後即以硯田為業每歲遠近從遊士不下百餘人詩古文詞咸資取法

今歿已三十餘年片紙隻字人猶寶貴之

劉方琦

字瑤圃元修次子性孝友暑年應童子試取貢其齊魯諸冠入鄉肆業食氣每歲

軍雖秋闈屢薦不售初不以得失介意孰品屬學至老不衰且工書法與胞兄同居一生不問家人產業凡事聽兄為政同甘共苦

和藹

一堂辛未入貢壽七十卒

李伊晉 號退亭邑廩生嚴氣正性嗜奇好古試輒冠軍為督學阮公芸臺糧道孫公開如所器重嘉慶元年舉孝廉方正居家授徒與及門講論雖盛暑必正衣冠從遊者憚之道光己亥邑舉人姚體儼等追思不忘

公請從祀鄉賢待詳

李嘉猷

字廷颺邑廩生志行磊落工時藝從遊之士多被陶甄年四十歿門人立石墓前私

諡敬貞

予化龍

字為霖 恩貢生讀書能文早歲蜚聲賢序屢薦不售遂家居教授培植後進門下

多知名士

予承基

字丕緒歲貢生早失怙事繼母以孝聞先世皆為邑名儒格遵先業奮志下帷粹理

學工詩作遊泮後旋食廩鐵倡修祖廟手訂家乘宗族賴之年逾七旬卒

集藏於家

薛

駒

字昂千歲貢生教學終身士人多所成就

劉循綱

號紀堂歲貢生醇謹好學粹然儒者

鄒曰灼

為鄉鄰重之享年八十有九恩賜舉人品端心正見義必

趙毓俊

字秀升歲貢生年十六肄業重華書院以善書名入庠食餼屢薦不售恬如也訓其

胞弟趙謙入邑庠遊其門者多有聲黌序侍父母疾晝夜無間及歿以哀毀致疾漸至不起謂

子曰三年之喪不可以死廢禮吾死勿更吾喪服及勢已劇家人為易公服忽張目責曰如爾

等不明大義是益吾罪也言訖而

瞑論者以為學有定兒雖死不亂

尊爾祖

字孔直太學生鄉飲賓兩應京兆試弗售

示德猷

鄉諡文莊先生已舉人年十二應童子試

補博士弟子員旋食廩餼登賢書官廣文文名
噪甚生平讀書以夜半爲度猶五更必起嘗云
平旦時心倍精明將執書沉吟數遍更覺洞澈
異常至白晝則時不離案手不釋卷無頃刻暇
卽長夏亦覺晷短每訓人曰學者立志貴大存
心宜虛駒光迅速慎勿虛度分陰也至所讀經
史細心讎校判定錯譌凡有心得輒書於其旁
圈點勾畫句讀分明段落清析而於字之四聲
尤別白犁然後學奉爲圭臬他行詳墓志銘

尉增生子申棣增生皆未嘗一字經他人師壽八十有四

鄒志原

字紫峯天資卓犖有大志為文清挺拔俗入明經後教授生徒一時有名師之目賞

志以歿土

論惜之

畢蘊樸

少孤事母孝弱冠入縣學博覽典籍建蕭兀齋以自處有高士風琴棋書畫詩詞歌

賦皆稱能手

李祈振

字千仞郡增生好讀書早歲入庠攻舉子業屢薦不售因設義學教授生徒有貧不

能自給者輒暗出貲財飲助之不令人知鄰邨增生蘇靜驗門下士也家貧苦學嘗不舉火歸就食往往至中途枵腹而返振窺知其情益厚待之卒蜚聲黌序享年八十有七子之華之桂俱庠生

史傳心

字中允幼穎異弱冠入庠序試輒冠軍秋闈屢薦不售家不中貲壯歲愈蕭索豁如

也嘗謂大丈夫恥受人憐非其人從不苟稱貸
辛遠近青藍高其風誼爭來就學得藉修脯以
自給教人提要鉤元勃率理窟兼以風節相勗
勉性方嚴少所許可鄉鄰中之擁厚貲而薄行
誼者每不屑與談故若輩多憚之以明經終邑
人士念其遺教勒石於墓私諡廉貞先生
魏光耀字炳文性情忠厚學問醇正終身誨人不
倦邑東南儒士多出門下子五人長子三

子皆
庠生

趙可中
字燦科例貢生性孝友敦品勵行時論推
為忠厚長者四子招附貢生持身處世皆

有父
風

李廼何
號西園歲貢生性倜儻好讀書不理產業
晚年家計惟艱仍手不釋卷以明經終

李

煥

如阜子進士授吳江知縣嗜詩書不理家
人產業有少風焉文章書法為世所推甫

到任歿聞者

○○○○孝行元前二十七年元成止新增者叁拾壹人合舊志共伍拾捌人

金

胡德安

狀元胡勵子也勵仕金為禮部侍郎因哀帝奔蔡城陷死之德安奉母渡河北至東

平痛父死於非命朝夕悲哀事母愛敬兼至不僮甘旨不缺鄉鄰咸服其孝

元

胡祖廣

性孝友父母有疾侍奉湯藥晝夜不離側自禱於天求以身代與弟祖賓相友愛每

食必共人以為難

明

于進

少失恃育於祖母嗣祖母壽終哀毀踰禮廬墓三年時有白鶴飛來人稱感孝

楊懷學

父卒哀毀骨立廬墓三年

姚大益

字養虛為邑諸生性醇篤父拱極年老患

形無聲之中悉揣摩如意日夜侍湯藥衣不解帶者十年雖病未嘗假手於人父卒服闋素服終身事詳孝子傳

陳鸞

早年喪父奉母孝母歿廬墓三年

段大進

父死廬墓以襟裾盛土成墳邑表其孝

楊梓

禮部主事楊復嫡孫事孀母薛氏家雖貧克供甘旨按臺獎其孝曰盡子道而致水

承歡感母節而定省無倦

田嶠

遭父上選之喪哀毀過禮三年不茹葷不

力辭曰要宗族鄉黨之譽可謂曰知即父母昆弟之言曾是為孝學傳司作詩

之所以為孝也作儒孝篇

魏光宗年未二旬父疾晝夜拜禱乞以身代齋戒

躬嘗竭虔禱而室不私入

陳守節諸生生未彌月出嗣伯父事生父母與

郝成章孝本天性母病敬奉湯藥每夜跪泣禱天

葛克俊邑諸生秉性淳厚稱孝稱弟人言無間學

孝本府劉旌孝可維風接院高旌孝友崇

行坊

楊思禮字子興廬大父及父墓各三年督學

李兆隆守長頑歲貢生邑太學生三友子也天資

七發體爲七省以進父閱之曰子文洞悉人情世故閱之覺平曰鬱結頗解吾病瘳矣果尋愈晚年隱居高尚究心理學著有周易圖說五經大意解念邑侯成趙二公先後有功鉅野不得血食具呈懇祀名宦時人請厥功當并二公不朽云

郭名崗

明旌節婦高氏子父修典早亡名崗事母承志奉兄讓產以孝義著有司表其門曰

孝義兼全子抱章類父德年十一父母相繼歿躬親負土封植廬墓三年生平好義行善濟人婚喪教授鄉里無力延師者不取修金久而不倦里人公以孝廉聞憲司表其門曰德星世耀孫允美設教義學

冠軍入庠

馬大任

字曾生性孝友崇禎辛巳後時際滄桑家計益促隨衆代殺黃河其父往視夜值賊

劫工場追殺其父大任勵聲曰盍殺我賊舍其父執之三斧其胸不能傷俄而救至父子俱免胞兄貧苦請與同居衣食必共其他葬無主之

士瑞舉人候補中書士昭廩生孫
嶺戊子舉人人皆以為孝德之報

田維璠

邑諸生秉性孝友善事繼母萬歷四十七
年急父義之難挺身就繫刑辱脩嘗卒能

生全其父事逾
百載人猶稱之

國朝

趙孝子

貧窮寡交人多不知其名父死廬墓三年
歷寒暑風雨惟卧草間本縣獎以可謂

孝矣

匾額

李悅心

字景懿邑增廣生性孝友制行寬厚當明
季之亂歲大歉羣寇蜂起奉父母避居陶

邱極拮据中片旨無缺未幾父母相繼歿盜賊

充斥嚴城四閉喪葬必如禮同氣六人離亂後

卽世者半因篤於天顯慘哭成疾撫諸孤如子

俾各成立祖產數頃亂後荒蕪被人侵佔絕不

與較設教授徒悉心啓迪訓誨不倦故邑中鄉

會貢多出其門康熙四年卒及門追思弗諼子

徵以次當貢敦登甲子賢書
需次內閣中書校邑庠生

陳之昂

字伯起邑庠生八歲喪父即能盡哀盡禮

天痛泣老僕劉田見之亦大哭背負以歸年十

四應試曲阜夢寐中若有人語曰爾母病矣遂

蘇程歸母果病泣禱於神是夜母子同夢有人

鮑金丹以進次日母病遂愈人以爲孝思所感

順治元年母卒泣血廬墓邑令給匾旌其門聘

妻葛氏尚在閨中聞之昂病且篤禱天願以身

代其父葛克宅窺知曰此女

李來周

官場人避寇亂負其父進城遇賊欲加害

哭訴求免其父賊義而釋之時葛克宅守

城給布米以旌其孝

劉虞訓

字際昌性孝友廉靜寡欲以吏員銓直隸

母卒服闋坐補原缺任五月餘調赤城二尹在

告歸壽八十三卒

李

敏

號逸菴歲貢生授掖縣訓導與弟敦弟校窮苦奉親兼篤友愛邑張淑淵桃源文集

有孝行傳

李惟允

號升吉副榜授陽信縣訓導天性孝友七歲侍父疾定省如成人既長彌篤司訓信

邑品行文章藝林囑服甫半載告歸居家恥干謁不受請托及遇閭邑大利害與關名教風化

事則任勞任怨毅然直陳

李士瑜

字丹崖邑庠生狷介廉潔丁大艱泣血三年終制不履內室著廬居草以鳴哀博學

強記工於詩詞著有老梅書屋文集禮制詳明邑人奉為文獻

陶

魏

邑廩生事父母以孝稱終其喪不如輩飲酒姊丈李姓家貧巍體父母遺意助地五

頃鄉里以學行兼優聞文宗重加獎勵

姚而賢

字秀菴候選經歷孝友性成人言無間奉

李

肅

字子莊號甦菴貢生天性孝友文行俱見

爲學根基也跪而受之讀之不厭故事雙親獨
得其歡母歿衆子析居父獨令留居膝下父偶
病衣不緩帶雖兄弟衆多藥必親嘗饌必親供
父飯增亦增父飯減亦減及父歿哀毀逾恒慟
至數絕喪葬悉恪遵文公家禮與兄弟分爨田
產概不計較有妹適姚家貧衣食婚嫁胥賴周
濟胞姪八人相遇俱厚於四弟子有度有恪尤
篤偶病劇永漿不進者十有一日時子樹善樹
屏尚幼有度率弟三人禱於關帝廟願捐兄
弟四人之奠以益其壽後果漸痊人以爲至德
所感因自號曰甦菴晚年多病先塋距城遠每
逢令節忌辰必力疾往祭子姪跪而止之正色
曰吾逾六十雖一年十往可屈指數也况吾之
心並非爾之所能代乎待鄰右諸族不分富貴
貧窶有事相求無不如其意以去嘗曰族人雖
本自且宗親之則同氣也既沒老幼登堂哭動

年奉
旨給銀建坊入孝弟祠

田業
字大為滿家硿干總惟理之孫英偉有局

樂仕進遭大事後三年不茹葷不薙髮與諸弟
友恭無間而家範整肅長幼秩然遇人和平坦

易明心見性樂善好施

郭瑋
魯藩次子字瑩菴任郟城大興鎮千總隨

遂告休奉養以終其身子三長仁茂次仁沛俱

武庠沛有至性兄弟析居時沛分故宅弟分新

宅意不愜沛願易之復以兄宅狹隘將已宅割

一院與兄及遭父喪水漿不入口者數日齋居

三年服闋後每飲食

姚棟
字朝柱貢生少出繼堂叔品端為嗣性孝

友出嗣時父卒奉嗣母及本生父母以孝

聞本宗兩弟貧凡父母生養死葬咸力任之又
代為置產以資贍養季弟武孝廉土魁由入庠
至中式百費皆出於棟撫姪光灼如其子時議
以為難道光已亥邑貢生郭濯等公呈請入鄉
賢待
詳

田高阜

監生珣之長男也副榜幼貧善病三歲失

醇鉅荷知名士多出門下邑侯陳震重其品學
為道義交文稿皆所評訂舉孝廉方正不願就
日孝豈易言敢因此得名耶陳公愈陰重其為
人父卒苦塊不離軀側終以哀毀成疾卒

畢鳳醴

字儀泉邑監生性至孝有舅氏田高阜風

田

三年不離軀側家雖貧必竭力請旌至今年屆

古稀夢寐間每見父母如生時醒輒泣涕達旦

孺慕之誠終身不衰現年七十道光

解

瑛字尚珍太學生性最孝有大志攻苦下

神漁降父見之不加呵斥反慰之曰得失何足介意讀書豈爲功名耶次年春隨父北上侍奉之暇手不停披凡四子講章及朱子綱目諸書丹黃甲乙多所發明父歿哀毀成病數年尋愈事母愈謹寢食必躬親母年八十有六壽終仍以哀毀過甚未及葬而卒邑庠生軒轅鑑題其額曰母子同歸迄今子孫蒸蔚

解

坊

字春岩事親孝鮮兄弟下氣怡聲朝夕不離側屢試優等有廩缺輪補書識催促值

母病危不肯赴及卒號泣柩側飲食不入父曰汝念亡母獨不念生父耶始勉進食終以哀毀成病未及葬而卒妻范氏邑孝廉范泰女事舅姑亦同以孝稱塋年八十有二

按毀身滅性原不足爲孝高柴泣血三年未嘗

見齒孔子猶稱其愚况老父在堂終鮮兄弟因

母喪成疾而死母乃大傷厥考心耶卽若母有

靈恐亦難瞑目矣而遽以此稱為孝子殊與禮
經所謂毀不滅性不因死者傷生之義相背爰
就鄉評所採姑存之以媿薄俗之蔑視親喪食
稻衣錦者

馮鳴崗

字苞楊舉人篤孝友崇節義祖父風患痰

疾日侍藥餌

不稍離除又跪禱達旦不令

人知

居恒嚴以持已卽燕閒無惰容而處鄉鄰

族黨則

恂恂雅飭善氣迎人宏獎善類成就義

舉周濟

貧乏皆其本性房師張公久困都門無

一援手

者獨罄囊飲之邑侯邵公延作書院主

講以親

疾堅辭不就鄧公嘆曰此真無愧孝廉

矣生平

積學工書斂華就樸乃賁志以歿士林

悼之私

諡

劉元修

號慎齋家瑞次子邑舉人少孤有至性每

攻苦益力工詩賦利長入庠詔舉元軍總秀
墨贈炙海內王已山汪荆門兩先生列為上選
屢赴春闈不第中年就職銓部以親老不赴選
母卒盡哀盡禮既葬廬墓三年晨昏瞻拜如定
省雖雨雪無間終制酒葷不入口不履私寢作
代號草以抒痛兄元儒諸生積學未售早世教
兩姪方拱方基偕入庠食餼親族義舉極力襄
成知交張某宦遊於外資盡難歸出貲財以助
回籍學師王卒於宮宛轉經營俾輓輿旋梓里
且立品高潔不輕謁有司終其身片紙不入公
門晚年教學鄉閭邑中知名士登賢書者多出
門下卒年五十有九門人謀諸邑文士公謚孝
獻先生著有墨

莊遺草行世

任科聯

字登甲太學生性端方敦孝義三歲失恃
經繼母倪氏撫養成立年十五稱孤倪無

所出而慕愛逾於所生見之者多不知為後母
前子也及倪氏歿棺槨喪葬必誠必信鄉里稱
之尤好義息爭故同里少訟獄
事善教子次子蚤歲入邑庠

馮巢閣

字桐軒恩貢生天資穎異自飭廉隅父卧

年不懈母邁疾湯藥必親嘗兼旬不交曉疾劇

號泣籲天求以身代疾旋愈人以爲孝心所感

繼當大事以哀毀失血終身不瘥學師匡以

褻躬孝弟勵志進修舉優行爲學憲獎重

張太臨

字濟齋少失怙好讀書兼習騎射以武舉

志誠深切齒遂標題曰纂逆魏書論

者以爲卽此四字可以想見其志節

姚念祖

姚家樓人家赤貧值歲饑將妻子寄托岳

以妻子爲念迨雙親年老患病急思歸苦不能

雇車輻遂負其父行里許安於道旁回負其母

循環更遞兼沿途乞食以奉養如是者月餘適

父病危徬徨無計不得已暫求村舍車屋歇息

不數日父卒乞地葬埋訖忍痛負母星夜投家

鄰里聞而往視見其脊背黧黑面目枯槁絕無

生氣甫七日以觔血沒道光庚

按毀身不足言孝而此則勢處萬難並非有心
以一死塞責也至性至情生死不易亟錄之以
愧薄俗

解振瀛

字峻源太學生性孝友父夙患痔疾好讀
書不暇理家人產業其母晚年復患癰症

親志既兩遭大事哀禮兼盡既葬廬墓三年姊
夫陶姓家赤貧曲體父母遺意時加賜恤嘉慶
癸酉歲大歉日施蒸饘以賑饑民癸巳復如前
鄉鄰德之平居以未遂顯揚為恨教其子汝修
專心肄業有聲庠序丁酉科薦而未售主試汪
公紹曾深為惋惜振瀛曰爾不能中式吾何以
對先靈於地下乎因命子汝修援劍捐府經歷
楊獻樸節孝楊登雲妻王氏之子乾隆壬戌以孝
行聞奉

自建旌善坊數年坊壞嗣壬申年廩生李全善等以重
獎孝行呈請建立石坊蒙 兵部侍郎鄂 批

准飭縣重建誠舊志所謂母為節孝子為孝子者原呈載孝行八條惜房卷不全無從登錄

畢永純

字夔贊監生幼失怙竭力事母與兄同爨四十餘載無間言人稱難焉舉鄉飲大賓

邑宰李

給匾獎

之壽八十有七

姜德成

例貢生性至孝年十三父病危寢食俱廢禱求身代朝夕侍奉不離左右數月無倦

容邑侯劉

獎

至孝性成匾額

郭德溟

字滙泉祖父皆名

諸生性至孝暑歲即能竭力奉養親偶疾雖年逾花甲藥必親

嘗父母

歿喪葬如禮終制不入私室生平好義輕財濟人婚喪教幼學不問修金久而不倦嘉

慶丙子

年八十有二里人既感其德兼尊其齒公贈匾額曰德醇壽永

公贈匾額曰德醇壽永

魏

鈐

字待聘歲貢生性至孝先意承志體貼入微時父壽九十有八母壽八十有五兼善

病數年衣不解帶雖中裙浣滌必躬必親與弟

人並設義塾以成就寒畯人以是益
重之舉鄉飲大賓卒年八十歲

谷開曾

字宏圖郡庠生性至孝父應聘早歿盡哀

食必祭祭則泣下嗣是事母益謹飲食必手調

步履必親扶以故終身不願設教於外但立家

塾以便定省後母年九十二歲壽終喪葬祭奠

一如父歿時宗族稱為孝子壽八十三卒道光

己亥邑宰黃獎

給庸德可風匾額

張作模

性至孝從師受讀凡經書中言孝者常三

章聽之每至淚下其天性純篤如此母早歿父

中年受癱病因輟詩書朝夕奉事無冬無夏衣

不解帶雖夜深有呼即應若未嘗就寢然親友

求見者出與立談數語即入家計概置不問十

餘年如一日嘗默祝曰天使得與我父同生死

是矣及父歿晝夜哀泣急營喪葬事訖果數日

亡道光己亥事聞於縣邑宰

黃獎給至性過人匾額

孝行

三

田

磊

字峻嶺諸生天性篤摯事繼母孺慕無間父歿時年近六旬已病卧牀褥而董治喪

事仍井井有條血淚漬痕幾滿枕蓆終以哀毀過甚營葬甫畢越八月卒

蘇靜驗

字睿涵增生家貧力學有至性幼就外傳每晨必詣榻前問父母安始汲水脩薪而

出偶值斷炊輒多方借貸以供菽水自枵腹吟

誦不少輟師偵其實異視之年二十五入邑庠

奮志習舉子業屢薦不售不得已舌耕奉養歲

館於外教授生徒手講指畫昕夕不倦荷澤城

武知名士多出其門每講書至父母在章輒潛

然泣下不能卒講又最友愛弟九瞻忠厚而短

於才終身不令析居同餐共飲數十年如一

日待人設城府鄰族重之卒年六十有七

李廼松

號佩弦拔貢生性孝友父藍圖患癰症與

年先行誼而後文藝

既歿門人私諡孝懿

王

麟

號古愚悅峯次子附貢生性沉默有遠識

新
年逾七十
金山各祠及金嶺書院並亭臺泉池諸勝更或
與一二親朋班荆道故飲酒賦詩以為樂既遭
父喪水漿不入口者四日因哀毀過甚甫免喪
以瘵疾終年六十有
二邑侯王輓以詩

張鉅英

字庸侶邑庠生性至孝弱冠喪母哀毀柴

虔誠禱天後果愈家故貧供奉甘旨不缺父嘗
曰敢祖禰且不足奈何以吾口腹累家人也終
弗衰家倘有不如意事恐聞而傷心多秘不達
及父歿啜飲水體為羸者數年道光已亥邑
宰黃
無忝所生匾額

任廷瑄

孝出天性父早歿年甫弱冠哀毀聲容感

昨間淚跡常涔涔焉及母杜氏寢疾日侍左右
衣不解帶藥必親嘗十二年始終不懈人以爲
難道光已亥邑宰黃
獎以永言孝思匾額

傅申奇

爾欣季子有至性五歲失侍泣不欲生因父在忍死後父病侍奉湯藥晝夜不離側

及歿呼天搶地竟日泣血嘆曰理當候殯葬事訖以完終身大事奈滴水不能入何哭數日死

柩側妻伊氏時年二十四慟哭曰君既殉父亡妾亦殉君死既葬暗飲杏仁湯須臾氣絕聞其

事者咸謂孝子節婦萃於一

門邑宰黃給匾獎之

陳元成

武庠生字岱明世爲鉅野人五代俱蚤歲入邑庠年十五稱哀孝順繼母至老不衰

處隣里族黨從無疾言遽色生平片紙不入公

門人亦無相告訐者家寢薄好周急一時有王

彥方之

卒年七十有五道光庚

子邑宰黃以承先裕後額其門

子邑宰黃

○○○○義舉自傳聯科起至曾遴止新增者伍拾玖國朝

人合舊志共
陸拾玖人

漢舊志無

曹

竟

字子期山陽人王莽篡漢去官不仕更始徵竟以為丞相不受會赤眉入長安竟手劍相格不屈死之見通志

明俱舊志

魏養化

庠生制行端嚴會滿家硃土寇龔二麻倡煽偕其黨王二路過邨東化憤甚出面責之聲色俱厲龔慚欲去王怒抽力脅之不少屈遂遇害今後嗣繁衍利第聯翩且多壽考人以爲義烈之報云

張子揚

字松亭貢生任山西縣丞擢陝西寧遠令萬歷四十七年施學田近百畝儒學重其

行立碑明倫堂今存

李

相

嘉靖間土寇蜂起有劇賊韓良等聚黨劫掠流毒數載鉅被害尤甚甲子歲邑令周

世臣招募義勇力圖勦滅相願自効每戰勇敢當先一日猝與賊遇眾寡不敵又因泥淖馬陷遂遇害世臣哀慟率其寮屬縞素臨喪葬於城西蘇草坡立有義士死節碑現存

國朝

前六人見舊志後自傅聯科起皆增入

姚之興

邑庠生順治元年土寇倡亂城池戒嚴眾推為四城總治賊圍城與百戶樂一德內

外夾攻大破之邑令表其門曰緯武經文生平

慷慨仗義多厚德爭子永錫歲貢又錫舉人重

錫副

榜

王永在

山西人流寓鉅野因家焉力行善事見西

然罄囊為倡募貲成梁又重修北隅及西關七

節孝祠貢台月日分門

慎庠生
棟廩生

張可畏

字魁宇少失怙家貧事孀母以孝稱生平

費不吝嘗自省歸途遇臨清二生泣甚哀詢其
故因冤案除名今得雪第苦不能回庠問所費
約百金遂邀同赴鉅竭縣以贈二生謝歸得還
初服他如輸粟以食獄囚施棺以恤斃獨葬無
主之枯骸修圯壞之神祠善行不可枚舉後值
病篤一夜神降以丹藥試其鼻香異甚夢寐間
若有炙其背者既覺針跡儼然疾頓愈人競異
之越三年卒子元綸年十五補博士弟子員旋
食餼以甲子恩貢於鄉皆及見也今孫世瑤復
登丙子賢書曾孫三皆列黌序天之報施善人
不爽如是

畢爾公

字位二庠生兄弟三人析業異居承母命

其弟失業藜藿不充爾公歸即令合爨代贖產
訓其子宗文宗魯俱為名諸生又篤友誼朋儕

中之貧窘者求必應教授生徒多顯貴有官侍御監司方面者欲爲代營祿仕堅辭不允志行高尚人尤重之

李士瑾

字來章邑諸生性孝友兩丁大憂與弟士瑜同居廬次終制不入私寢哀戚感人生

平好義輕財如外戚孝廉閻太羹死而無歸代爲殯葬如禮時有巨室代脫急難酬金五百緡力却之臨財不苟尤人所難年及耄進德不衰舉鄉飲大賓子嗣晟拔貢嗣沆庚午舉人孫淮一丙子舉人

李三友

字子益號養謙由增廣生入太學慷慨有大志樂施予海內鉅公多往來其門士有

願學者給膏薪不倦賑貸貧乏不能償者悉焚其券生平以忠孝大節爲本晚年自修益奮爲世所宗易簣之日遠邇感慟於時太史馬公之驥給諫葛公應斗閻孝廉太羹田廣文嶠集議私諡

傳聯和寇圍城兄弟分守城東南隅兄梅最為勇

敢晝夜立城上聯科跣步與俱為賊所憚賊退

因避亂金山西邨劇賊孫七挾前恨欲害之乃

渠間潰圍出得免辭不就或冒其功官江南縣令

國初論功辟赴闕力辭不就

聯科亦不問卒

姚徵俊字瀛洲庠生天性慈善家產數十畝歲積

末連歲凶荒道殣相望俊出所儲以糶不計值

一方賴以全活邑侯表其門曰樂善好施

田有豸附生以例入監幼喪父母常以不逮養為

恨言之輒涕泣廢食兄六人事之皆如嚴

父晚惟二兄六兄在貧不自給延與同寢處食

必嘗以進衣履悉周之置義田使族人董其事

凡同族中婚喪不舉衣食不繼者咸取資焉復

別置田廬棲鰥寡孤獨遠近無告之民接踵至

皆計口授粟病予醫藥自康熙三十八年施棺

木至雍正四年以木料不給準制錢四百文予

之家本素封以此廢其產半猶稱貸以應無恡
色聘良師訓族子弟並鄉黨貧乏士悉招之就
學供其膏火前後邑令皆敬慕之為表宅里生
平足不至縣廷好讀書常手左傳一帙通天官
家及陰符之學間與人言皆見
條貫及歿鄉人私諡孝義先生

劉

淮字桐若性孝友好施濟鄉鄰以德行稱壽

壽九十六歲俱有父風三淑麟早卒無子撫仲

麟長子文庠均為嗣孫五景堂武舉曾孫十培

元武舉漢江武進士會一武庠生捐守禦所清

一武舉曾元輩皆列文武庠家素封門無白丁

論者皆以為

淮忠厚之報

姚永年

以何貢任應州吏目隨分盡職人不能干

德之以疾歸和睦鄉里時加周恤而宗族中貧

乏者相遇尤厚創修宗祠公費不給與從弟萱

各出已貲以竣其工其他

仗義樂施不具述

田士選弟以他事抵罪當死毅然代之司理李公

汝華高其義並昭雪歸以壽終進士于若瀛為誌銘李少保化龍表其墓

李瀾修

字馨儀庠生性孝友本生母早歿事父母與生父曲盡色養同懷四人友恭無間因

病所居曰雍睦堂家素封族黨多賴以存活歲歉出穀減值以糶凡負債不能償者悉為焚券

有佃戶潘姓負牛穀值六十餘金夜半盡室行他佃以告請助之笑問曰跡歸誰為養活遂已

施棉衣置義塚山橋梁道路有損壞者輒出貲修培一生義舉多不欲人知或言及唯唯而已

壽八十有一卒之日鄉鄰哀悼私諡孝惠

李

崇

字嵩高瀾修子武舉樂施好義有父風乙丑春至京邸春闈後聞同邑孝廉傅爾德

資盡不能歸素非相識慨然分囊金資之邨南置墓產自祖塋以下遍立碑石值麥秋佃戶有

不給者乞貸升斗輒斥之日禾稼已熟爾自有之自取之何貸為生平寬厚待人類此性尤孝

友因親老無人侍奉不願仕進卒年七十有六

魏思齊

字子方庠生篤行好學舊志多資校正曾設義塾延邑舉人李文原課讀每年將伊

家應完賦稅代為輸納李不知也嗣見十餘年無催租吏至門疑而問焉始知其故心德之邑姚某貧不能赴鄉試屢資助之無德色其他義舉類如此子朝成進士世遵其教科甲後孫起鳳復成進士

潘尚德

字五倬例貢生性仁厚好施與擇其親而貧疎而賢者厚恤之乾隆丙午歲大歉出粟二百餘石貸於鄉鄰不索券養贍窮族除日給食歲給衣外一應嫁娶喪葬兼伙助之遠近

寒暖待以舉火者不下數十家時近邨有附學於館者飯歸後每至半途枵腹折回問其故知家無食遂留以飯之其人賴以成名又鄰有構訟者相持不下嘗代金數十星以息其事俱感泣偶有賊被獲給以錢文並勸其改邪歸正後果自新

丁卒之日鄉諡孝惠

谷元福

字壽先太學生憐貧恤寡排難解紛凡有

觀音里無以爭鬪致訟者邑侯勒善赴府歸過

閣入門請謁深嘉予之且曰脫鉅野皆如君吾

可臥治矣嘗自邑旋里天微雪騎一驢道經二

廊廟時已薄暮有眾丐突出奪其騎劫致廟中

火光下認為元福驚相謂曰此谷老善人也相

與匍匐請罪遂冒雪爭送至家卒之日鄉鄰悼

惜私諡公正

張義龍

號作啗南軒先生十八世孫也由太學生

引至家養俟麥熟始趣之行住感再生之恩願

率妻子終身為僕婢以報伏地稽首永矢弗歸

有梁姓君寵者總角交也歲饑謀去其鄉泣往

辭龍留之授以宅並給資本令貿易約俟身終

而後復我居二十五年梁病故既葬二子請去

龍曰視汝家尚非有餘飽煖乎父仍凍餒其子

有始無終吾不爲也前約勿拘俟爾生計稍裕去留惟汝二子心感益自力又十餘年田近百畝母死葬畢方許令歸里有安姓少亡其母率其妻向龍哀乞棺俟葬後嫁此婦以償龍曰爾留爾媳一木之微奚償爲姑媳泣拜而去他若敦孝友和鄉里事隔百餘年里黨多述其祖若爰所傳軼行以爲美談

解豫天

字時乘國學生家素封修義學以育寒賸設義倉以濟貧窮每年積穀數百石於春

畊時資給鄰里秋收後或償或不償勿計也歲以爲常故田地雖廣而家鮮積儲及歿會葬者親疎遠近無不泣下今子孫蔚起代續書香人皆以爲陰德所致

王悅崑

字景崙自幼不私財物好濟貧鄰里戚族告乏者雖多緡無所吝有外祖解豫天之

風家中落囊橐蕭然敝衣蔬食恬如也後生子朝璣善經理產業盡復人皆曰天不負人道光已亥邑宰黃獎

以爲善獲報匾額

田豐年

武舉性敏達明忠孝大義乾隆癸酉邑南門城圯獨力修葺邑侯旌以志惟保泰

匾額又於田家集祖塋置祭田一百五十畝為歲時祭掃資族人德之

谷萬青

太學生幼孤承母訓輕財好義設家塾歲延名師親族中貧而有志者必勸之來學

暗資膏火

一時寒畯多賴以成就享壽九十子

燿曾庠生

舉優行遇歲荒常分所有以及鄉鄰

勤於教誨

郡邑知名士多出其門卒年八十有

四門人私諡

文昭立石於墓次燿曾制行孝友

至老猶手

不釋卷

唐

稽

字端木家素豐茂入餘貲周給鄰里貧人

富戶多囤積

居奇米價騰踴貧者不堪稽獨出

積粟減價

平糶極貧者周之不索值一方賴以

全活人至今

德之享壽九十有八道光已亥邑

宰黃

獎以義播聞里匾額子二長鳴高太學

生壽八十有

四次方離

賜副榜

壽八十有

七當時有難兄難弟之稱

田華立

字秉初候選理問事繼母以孝聞與異母弟華本友愛無間好施與重名義復祖塋

已廢祀典乾隆乙巳歲大稔出粟米錢文以濟

貧糶有鬻女者不靳百緡代爲阿贖邑有公事

雖重貲無難色子光時

庠生性慈善有父風

魏起鳳

字九苞進士豪爽好義待戚友無世俗炎涼態初授覺羅教習時有鄉宦李某歿於

京貧不能殮卽出俸米經理喪事並典衣以助

其歸葬之資其輕財樂善類如此知興安縣有

政聲兩袖清風呈請改教歸授沂州府學以堂

弟起睿有才學偕之任教課之亦成進士後爲

吏良

田志謙

字鳴序候選同知年二十四隨父宦京師父卒任所扶輓旋里事母先意承志起居

飲食皆親自檢點四弟皆幼獨理家政及析箸

田產一無所私仲弟宦江南因官累不能歸鬻

產得金三千遺弟歸欸乾隆丙午歲饑出

家粟收百石以濟卽里貧以全舌者甚衆

李執禮

字東雅，博學有文，義精岐嶺，黃帝人不望其

王作賓

字敬輿，例貢生，性磊落，好施與，排難解紛，

邑侯王朝恩遴選義勇以資捍禦，作賓力任之，

偕弟武庠俊彪之彪團練鄉勇，不計費時，運憲

劉清自鉅赴定陶，賁謁於道，賜保障一方，大旂

獲巨匪馬朝棟、趙雲璫，獻於縣，一鄉得以晏然，

事竣，運憲劉獎給

禮義干櫓匾額

李如阜

庠生，進士煥之，父燦，慨仗義，一面之交，求

無不應，厥後子登科，甲人以爲好施之報

李應朔

字育元，能文章，工詩賦，甫弱冠，以古學冠

入附貢，性廉退，見義必爲，嘗曰：秀才好干調，有

可包攬公事，不可也。至有關係梓大利弊，皆緘

默，不一聲，亦安用士爲耶？初邑之尺式無定準，

吏緣爲奸，獄訟蝟起，宮民苦之。朔倡衆請於

上憲頒定程式爭端遂息緒水河每逢霖潦泛
溢為災呈於縣詳請疏鑿民役不勞數十里俾
無水患居民
至今德之

馮仲瑞

字養齋太學生性醇和敦禮讓事嗣父及
生父母以孝聞處兄弟友愛備至尤好施

與比鄰張某父死不能殮與之棺盧某死不能
葬與之地濮州劉某以年荒攜五歲子來鉅病
垂斃匍匐道左瑞遇之載以歸周其衣食為延
醫調治三越月尋病愈俟健壯如初始給盤費
命之歸其餘推食解衣賴以存活者甚眾遇拂
意事必靜坐自責嘗自銘齋室曰容人所不能
容忍人所不能忍中州進士楊晉升見而嘆曰
與馮子處如飲醇醪聞馮子言如食諫果有容
德乃大養齋其無愧矣遂訂
為忘年交卒年七十有八

劉

郇

字果亭太學生少失怙事母色養兼至母
偶不懌必多方解釋甚或泣跪廢食回顏

乃已舅氏翟某貧攜家寄居三世共衣食御奴
美生景遇初時責見矣以事某皆無不應周恤

刻已待人類如此年八十卒

王悅峯

字景高太學生性慷慨好行陰德事乾隆

次日以為常鄰里族黨多賴以全活道光辛巳

張曰蘭

字王華庠生恩賜翰林性慈厚待骨肉

視如已子及成立析炊田產財物分從厚姪

孫懷虛嚴為督課補增廣生胞姊江門貧無立

錐給地八十餘畝宅院一所甥男教讀婚配

悉資之有貧鄰劉某苦難度日供給柴米俾免

死亡至今感泣

解

灼

字燭蘊性至孝精岐黃術以利濟為心尤

多義舉金山文昌閣魁星樓暨金嶺書院

等工雖由集腋而成而首先倡率灼之力為多

嘉慶戊午壽八十有四同里進士魏起睿等公

製壽文紀其實行甚詳

田瑞年

字廣為庠生滿家硯千總惟理孫武舉有蛟第四子孝友夙著救族人於縲紲養外

戚於別墅

人多義之

田允中

武生樂善好施設義學成就寒賤乾隆丙午邑大饑出粟賑貧貧民德之年八十有

四卒

姚鳳顯

太學生慷慨好義嘉慶癸酉流寇犯境團練鄉勇一方得全事平運憲劉賜以衆

志成城

匾額

姚金選

字珍南任山西蒲州鹽大使以勤謹稱奉諱歸里值嘉慶癸酉蓮匪滋事因自輸金

粟躬率鄉勇

護守城池人謂有破家紓難之風

姚玉瑞

性好義有知畧嘉慶癸酉流寇之亂與從弟鳳顯團練鄉勇捍衛一方事平運憲劉

賜以急公

致果匾額

畢瑞會

太學生嘉慶癸酉教匪煽亂曹單欲連鉅

旗招募義勇同心協力保護郵莊賊不敢北向

邑西賴以不驚鄉人悉受其庇

劉方昆

字又桓貢生七歲失怙恃經大父家璩撫

有貧不能娶死不能葬者多賴以濟並常備衣
衾棺槨以施無告窮民鄰里頌之年七十有六
卒

趙

瑋

字建平太學生性剛正嫉惡最嚴宵小恥

時加周濟不望報鄉鄰義

之因公顏所居曰尚德堂

田映蘭

字光遠武生嘉慶癸酉金鄉縣妖寇倡亂

團練鄉勇捍禦邑東南一面數助邑侯王

田守初

字簡軒候選通判少孤恪遵母教自少至

長無違色其仲兄因官累不能歸卽變置

自產寄三千金以償之得無恙又於祖塋家祠各置祭田一頃俾贍其家鄉鄰以孝友稱

田光忠

字振綱武舉嘉慶癸酉教匪滋事奉邑侯王團練鄉勇捍捕有功

趙永祿

字錫爵好善樂施鄉鄰感德公立石以志遺愛曹州府教授馬撰碑文紀實行甚

詳壽九十道光己亥邑宰黃

獎以年高望重匾額

侯敬軒

字欽書性孝友見義必為排難解紛不辭勞瘁安興墓西枕灤水數溢為患嘉慶癸

亥黃河決水入灤河堤幾潰軒督率鄉眾趕培土堰數十口不遑寢食南岸莊邨得免淹浸鄉

鄰德之

韓景元

字希皋性孝友少孤仰體父志待異母弟景義友愛倍至蚤為納粟候選且慷慨好

義周人困乏無少

吝壽八十餘卒

馮茂槐

字廷棘太學生性至孝父常患瘡疽同床屏次食必舐人鬼畏又獲兒衣不解告者

大禋饑殍相望到門者率煮粥給衣活之並使
人輦米於市廉其價以給貧人尤困者或竟不
取值與人終身無責欠事門臨柳河行人艱於
渡獨修一橋至今便之因讀書未遂終身以爲
恨故庭訓最嚴今孫若曾輩聲庠序者五六人
鄉鄰以爲行善之報云

畢學顏號霽山太學生嘉慶癸酉教匪煽亂領官

侯王欲表其功求大吏保奏辭曰治下郵落

人克保桑梓足矣敢以此邀名耶自是爲忘勢
交剛邑侯以軍功擢登州延致幕下公私悉資

其擘畫如是者五年復欲代捐縣佐以償勞績
仍固辭旋以疾病辭歸未幾歿道光

許麟占

性爽直敦倫紀年六歲父病劇卽知晝夜
祈禱遂獲痊壽至九十旣與兄分爨兄家

業如洗日不舉火復合居如初兄無子以次子
繼其後兄嫂賴以終身鄉鄰有訟獄事多方解

釋務歸和好善居積每歲除鄰族中有不
給者量爲伙助人多義之現年八十有八

高仰醇

性孝友多義舉蒼顏鶴髮樂善不倦閭里
稱之壽八十有七道光庚子邑宰黃獎

以敬恭故
壽匾額

崔鳳年

幼業儒長務農秉性忠厚樂善好施
胞姪繼貞家赤貧因案入獄鳳年養其家

屬並代繳官銀得無苦嘉慶辛未偶遭回祿賊
入乘勢竊掠首既獲所供窩夥半屬近鄰遂不
求深究俾免株連族中有喪不能葬婚不能娶
者周濟之每逢月朔聚莊人於閑所講論禮義

忠孝之事聽者感

化現壽八十有六

奚泮林

性仁孝父純臣歿雖老不節哀亦無廢禮
與兄惠宗繼宗同居友愛甚篤代理家計

事無巨細必咨白而後行臨首一堂怡怡相對

晚始舉子與胞姪九人一體相待嘗曰兄弟之

子猶子也厥後姪入庠序者四遊太學者三登

賢書者一皆林所成就析箸曰辭肥就瘠且所

矣非讓也鄉鄰義之援例授按察司知事以年
老不願就銓

向天衢

武庠生總鎮挺元孫都司日美曾孫遊擊
緯孫太學生三樂子以武世其家弓馬技

藝馳名曹屬嘉慶癸酉教匪滋事從運憲劉清
招募義勇總理行營生擒牛七楮二等諸巨匪
一境獲安事平賞賜千總職嗣家居授徒如張
明臺吳景元王顯等皆擢高科晚年精醫術活
人無算他如周貧濟急排難解紛皆盛德事也
現年八十有五道光己亥邑宰黃以魯國靈
光旌其門

解萬清

例貢生鄉飲大賓見義必為通財物不吝
現年八十有五其豪氣猶如少壯時

侯文會

字集思性孝友多善行因乏嗣購徐州某
氏女為適室女哀泣詢其故知有夫遂送

歸母家不索原值越年餘妻忽孕既誕得孿生
子二時夫婦年皆近花甲矣人競稱陰德之報

後長子鵬舉醇謹老成爲閭里望次子鵠舉中嘉慶癸酉科副榜皆壽逾八旬

開應麟太學生事親孝慷慨好義排難解紛爲人謀視如已事不避勞怨鄉里有善人之目

壽八十有一

蕭秉鑒字蘊焯太學生賦性孝友制行溫恭一鄉稱善士焉

劉梅峯

歲貢生慷慨有氣量重交遊乾隆乙卯偕門生葛述曾應省試葛臨期病同寓者慫

魚市場具峯慨然曰葛生病勢劇舉目無親師

生情同父子飲食醫藥責在於予若入場中否

未可必先負此生矣旣而葛卒衣衾棺槨皆代

爲經理嗣厥父來囊橐蕭然意欲權厝千佛山

下峯慮墳無主守日久迷失力持不可遂倡率

同人醵金飲助俾扶輿歸葬聞者義之今年逾

八十行不假杖

康健猶如昔云

魯

遴

太學生舉鄉飲大賓性簡默積學未售事親以孝稱父母歿哀毀骨立兄嫂蚤逝撫

猶于如已子同飲五十餘年恩愛滿篤且應世
慷慨有鄰人歐陽與唐姓因親柩未葬卜兩兆
域於地向其售買動以多金遴曰私已之有而
怪人葬期不仁乘人之急而捐人善價不義吾
不為也各照原值給我足矣當即書約付之兩
姓感激拜謝而去其他義舉多類此先艱於嗣
後連舉五手人以爲厚德之報云道光已亥邑
宰黃獎以厚德載福匾額

王文謨

字耿光嗜學汲古少年即爲邑先達許可
數奇未售爲人謹厚樸誠嘗訓子姪曰昔

人謂以責人之心責己以恕己之心恕人余於
此二語頗有體會汝曹謹誌之家不中貲遇艱
厄輒賜之乾隆乙巳歲大饑佃蔡某王某眷口
各十餘不能舉火文謨按月給粟困粟將罄割
畝得三十緡分與之兩家賴以存活里人共推
義舉而未嘗自以爲德也子耀宗國學生孫孚
拔貢曾孫琪

廩生珙庠生

張

鉞

字輝聲太學生庠生張永之祖孝友慈仁
陰德多端乾隆丙午歲大饑出粟濟窘泊

義舉

鉅野縣志

卷十三

事

三

全活甚多鄰朋貧不能葬輒給以棺木婚破者尤曲全之凡遇人曖昧事絕口不言其生平懿行大抵類此

壽八十有一

段世瑞

字儒徵立品端方慷慨好義鄉里評月旦者嘖嘖稱善人吾邑志書邑侯黃三纂修

數載工未竣遽歸道山厥後原藁頗散佚前功幾墮儒徵慨然曰此事不成吾邑恥也遂獨輪制錢三百餘串使數年未竟之功不數月而告成洵義舉也

○○○○武功前七人皆舊志後自田惟理起至馮鳴

人

漢

彭

越

昌邑人字仲嘗漁鉅野澤中陳勝項梁起少年相聚請仲為長越謝之少年強請乃

許號令嚴明徒屬驚畏莫敢仰視乃行略地收諸侯散卒沛公擊昌邑越以兵助之絕楚糧道定梁地後高祖與越期滅楚不至用張良策發使許越王梁乃至卒會垓下滅羽以功封梁王都定陶見史記

元

郭

全

弱冠時自立如成人既壯隸東平行臺嚴公屢立戰功提控舊州砦事兼權酒稅長

子天祐以攻戰之勞補為百戶尋遷侍衛親軍把總告病歸家請以職授其弟天祿天祿以至

武功

元十四年從元帥渡江沒於軍帥司以天祥繼其任天祥寬嚴得宜士從歸心授忠顯校尉親軍把總後以征交趾功進爲萬戶

明

葛克宅

邑廩生天啟二年奉縣令命捕獲白蓮教偽丞相陳燦宇等誅之事載平寇傳明季

時土寇圍困城池克宅與百戶樂一位協力巡視相機戰守一邑賴以保全

樂一位

樂屯世襲百戶與葛克宅同守城池有賊數百詐稱道標中軍進城公幹樂知其偽

舉兵擊敗復奮勇追之斬首百餘又土賊合營

萬餘環攻城池樂率衆力戰解退又土賊圍困

太平集樂奮勇衝入賊營殺其梟健賊解退至

於下鎮各集因樂戰保全者不可舉枚

李文茂

丁屯人以劄委守備防守鉅野時土賊方熾文茂率先奮勇衝鋒克敵賊多望風而

遁一方賴以保全士民德之後復立碑去思子

成爰勛多著勞績

張元竹太平集人以答委防守鉅野西方相遇上

援至內外夾
攻圍遂解

田惟瑗

素嫺韜畧明季天啟崇禎間妖寇為亂率鄉勇奮力擒勦劄委千總職團練鄉兵衛

護本邑城池屢著
功績邑人德之

國朝

田惟瑗

篤友愛善事父兄祖田百餘頃悉讓諸兄後至徐州領兵督帥某過其境兵多擾害

民患之瑗手擊數十人主將怒執詢其由曰田公子也盡從我遂從而南至夏鎮自成統兵數萬自南而北瑗於夜深時率十三人破之自是自成却而西行不敢復東向矣時以母平孺人年老為念屢乞歸主帥不允因乘夜潛逃行至山徑迷路正惶懼聞聞山上有人呼曰路在某處瑗知神也遂感激再拜而行歸至家高不仕節教家眾數百為陣保障一方邑人咸受其庇

瑄獲異書諸爻占每臨陣擇用某時某地無不
勝人驚爲神前明舉將才不應詔登順治甲午
鄉薦總河部院楊公題設防司滿家碕行守備
事時嘉鉅金魚四邑盜賊充斥瑄至勢如破竹
以及西平范濬東定汝湖榆園安山等處凡據
險負隅他人所莫敢攖其鋒者悉次第削平之
俾上下五六百里間井里晏然桑麻如故皆其
力也瑄行軍每以少勝多血戰不下百餘陣官
兵不過三百而神機妙算所向無敵以故楊公
奇其才特疏入薦者七次並旌其門曰智勇兼
隆性耿介臨財不苟昔募練總鎮劉江州委解
餉金十三萬後旋沒於軍人皆指以爲利瑄全
數歸於其兄河州拂衣竟去河州大奇之迨之
任不應蓋陰鄙其人也嗣爲藩鎮以弟江州旣
敗擅作威福殺官吏軍卒如草芥瑄聞從兄被
執隻身往救人皆膽裂河州竟以義釋之後因
城武劉氏獄昭雪歸隱益好行其德凡有利於
民者不憚疲家爲之邑中河夫舊從人丁派出
小戶苦累不堪瑄地土極多不顧已私力主夫
山地出之義闔邑義之又小民不能往工親辦

率皆屬寡河間工夫以應康熙二十四年歲大歉夫十逃八九幾悞大工應出夫之本身罪幾不測理令佃丁百餘名只夜經營代役約費數百金丁得無悞保全實多至今邑人頌德不衰有鄰人陷於罪鬻產求贖投券於理理陽受其券而陰理其事平仍復之曰吾世居此土以世此鄰也失鄰得地何愛焉其人受券感泣而去先是勦賊時所得良家子女無所歸者悉貯一院給以衣食事平後詔其家還之又得叛產三百頃曰此人非賊廼於盜耳悉詔其子孫歸之有未領者緇之官今之唐家窪猶有官地焉性樸儉居恒衣不輕易食不兼味常拾小兒拋棄殘粒收而貯之多則煮食曰吾昔在萬馬營中欲食此可得乎生平義行善舉武緯文經不可殫述今田氏子孫蟬聯

黃龍岡字茂合國初以軍功授江西吉安府守備

向挺原籍福建任廈門總鎮順治間屢奉征調征臺灣打岳州銅山等島多奇功

楊

豹

字蔚卿自康熙二年至七年征金門討喀爾厦門大破銅山東島征羅父打岳州十

年鎮古北守石匣二十五年隨

駕定直

北三十五年破牙克薩征臺灣從胞兄智屢奉

征調功

加遊擊

鄭逢達

字笏山遊擊福建晉江人康熙三年鎮守古北七年同楊智奉

旨墾荒鉅野因

家焉

楊

智

原籍福建同安縣人以督墾荒務總兵官康熙七年奉

旨帶領官兵墾荒鉅

野受地四百一十九頃五十餘畝為人老誠謹

飭寬厚和平且能以奉公守法約束其眾故數

十年來主客相

安邑人德之

余元吉

福建平和縣人康熙三年任兗州府總鎮旋擢提督七年同楊智奉

旨開墾

鉅野因

家焉

楊國翰

字允吉功加都司歷任廣東提標前營中

高士

字則可幼勤學能詩偶讀漢書班超傳悅

丑成進士授廣東連州守備逆獠作亂士分隊

討之戰而詐敗墜馬為折足狀昇歸營密選善

走者二百人腰斧柯入山樵採高聲歌唱獠聞

之爭出二百人皆棄斧柯走下山土與子懷古

率卒三百伏山下橫衝之殺傷殆盡虜生口數

百未敘功以病告歸被服如諸生飲酒賦詩終

其身見

府志

郭

武

字子峻鄉賢郭萬侯子幼習儒業不竟學

風雨驟至多不可測歲寅卯間閩海不靖康王

師南下遂抵掌而起曰是吾時也乃負一蒯緱

踰河泗渡大江謁康王於馬前王曰客何能

曰我能荷戈戟為王前驅也我能贊末議預幃

幄為王決大計也我能踰關閭掣鯨鯢以長組

繫南人之頸為王御而歸也王奇之嗣是

奪仙霞克興化破泉漳撫澎湖所向皆捷卒如其言王大喜上其功於朝授以一品階左

都督劄以身冒矢石受傷過重歸籍未及補用而卒

郭魯藩

字東垣郭武子屢立功威名震世方任高唐遊擊時值鹽寇聚黨數千據驍來山

作亂藩奉命征討不數月而平及擢德州參將

時又值逆首朱二聚黨數千據平頭堙跳梁藩

督兵前往不煩血刃悉駢首就縛上奇其

功因累官至淮安副將繼又奉特旨調

徐州協鎮所至恩威並用待行伍如赤子與士

卒同甘苦革舊規裁使費故人皆效命兵盡知

方任副將時合營感戴

會勒石署前以垂不朽

向日美

號東明原籍閩省泉州累世勲閥父挺元總鎮廈門移駐湖廣復僑居鉅野生子五

美居幼年十五補孤即負大志康熙四十年隨

大司馬范進勦夏逆手擒巨賊擢守脩五十

九年隨制憲滿督師洋面克復鹿耳門生縛

番酋復加都司簽書生平忠勇性成校奇勲屢

建後以年老告休乾隆十五年卒於家

王

澄字漪清號麟波自鉅野遷為曲阜人幼英

射不合例試官受公技勇令復射澄不可曰命也五上公車始第中雍正二年武會試點侍衛同官某婦卒貧不能具棺殮澄以卒歲質衣得十六金經其門入哭探懷中金與之某泣曰某老病即填溝壑無以償澄曰姑留之不望償也雍正九年出為浦口營都司時金陵有妖人夜賜分兵緝之悉就擒乾隆二年遷松江城守營遊擊六年署川沙營參將每春秋例應巡查海道官此者往往泊島嶼應故事澄曰是欺也吾何敢乘潮出口過羊山馬跡清理網戶魚商歸遭颶風連下三碇纜俱絕舟師無人色澄安坐無恐漂至密門兩山壁立舟由中行水底多暗石海人名之曰礁觸則壞舟忽潮湧風迴不轉瞬而舟却返得無恙豐沛災奉旨賑金百萬多為胥吏中飽澄前往稽察日馳三百里既歸制軍疑其妄嗣飭澄經過地方有司馳報

時日悉符始歎服七年遷太湖營參將太湖為
奸民出沒之藪徐達滿洲二姑娘等屯聚數千
百人肆行劫掠前官里吏議去澄至嚴巡邏重
賞格馳驟於七十二峯間不數月平時松江蔣
祖法倭佛惑妖僧言一家十三口焚於盜山奉
檄查勘舟發風浪大作頻覆突有舟千百小如
栗繞大舟數匝夜黑如漆莫知所向厥明收泊
則朝發原處也高司馬曰公吉人舟發竊為公
危夜見燈炬數十導舟入港港中人莫不見而
公舟不知也九年應補湖廣洞庭副將引
親老乞回本任旋補京口副將署狼山鎮總兵
十三年太湖營改設副將特旨調補遂
授蘇松鎮總兵閩中饑命澄以江浙漕
米十五萬石由海道運赴自上海乍浦抵漳泉
廈門歷蛟門濤山石塘青嶼烽火諸險颶沉米
二千石例應解弁賠補澄曰是余咎也疏請以
本身養廉扣還事竣仍從海道歸母曰汝歸不
由內路何不自愛澄曰固知海道險離母久欲
急歸風順固無恙然實因海風得濕疾不言也
十五年

駕臨鄧尉閱水操特獎異十八年服闋入都
召見勤政殿賜花翎
上念澄母老仍補蘇松鎮

總兵二十年丁母憂歸明年
上東巡出

駕奉

旨署正定鎮總兵復調開化鎮澄以喪服

未滿辭不許開化界安南時漫匪猛配沙匪黎
忠直等屯聚不靖澄緣邊捕入內地者二十四
年交沙亂帶兵防範所過瘴癘特甚若灞洒九
不可近故兵日俱土著時雖二月初旬氣蒸蒸
如盛暑樹頭多生蛭聞人聲則延延下人馬遭
之潰爛土人曰此地六十餘年無人到叩馬諫
不聽曰我為爾等來今敵屯對岸知不前乘間
突入爾等皆為虜矣今軍中不得飽食各放鳥
銃使藥氣布散可無患比至則沙匪望風遁去
是役也往來蠻州瘴霧中凡十日無一病者冬
調昭通鎮總兵二十七年擢甘肅提督甘屬邊
要總轄四鎮雖今為腹地而地大人庶番夷交
錯易生變澄以鎮靜處之千里晏然三十一年
陞見引年乞休不許三十三年卒於官

年七十一
據行述

孫允武

字達子戊子舉於鄉聯捷成進士授湖南常德府城守營守備署遊擊事武容貌魁梧才情練達任常德時歲值大饑奉委監賑

遍歷鄉村親為驗放胥吏無敢舞弊者上游察其廉能擢權本營遊擊旋引疾歸軍民感慕

其德公製旗傘等物餞送數十里不忍別平居嘗語人曰端品行方是正士能忍耐乃為英雄

故凡細故小嫌不介介於懷至事關大節而剛正之氣自凜然不可奪

李觀政字朝銓居官恪守清白訓由衛千總洊擢至廣東右營遊擊所至輒有聲革軍中陋

規却節壽常例士商德之奉

上司命閱兵兼察各營伍軍政凡有餽遺分毫不取卒年七十

有

四

向

號麟野少穎異負才氣不羈父東明器之授以韜畧最以經濟遂奮志入行伍三月

得中營把總一年晉金華千總年滿擢浙江協
標左營守備調宿臺洪德等處復以卓異陞陝
西慶陽都司旋擢遊擊
一歲三遷鄉人競異之

倪金鐸

號煥甲武進士任河南荆子關營守備在
任年餘軍民愛戴因疾告歸欵留者遮道

不絕家居時鄰里宗族推重之為人謙
和樂易善氣迎人及歿里族無不悼泣

于承森

字茂林武進士及第欽點御前侍衛
初任直隸正定鎮標右營守備遷宣化鎮

蔚州路都司所至德威並用
兵丁懾服人謂有儒將風

奚兆鰲

武舉性儒雅居鄉恂恂樂善好施行誼多
為族人所矜式從叔廷諤族姪登元胞姪

俊魁先後登武賢書薰德善良
皆敦義長者邑人於是益賢之

馮鳴崙

太學生慷慨好義有智畧嘉慶癸酉教匪
滋事運憲劉授以義旗俾募練鄉勇捍

衛一方邑侯王深倚賴之鄉里
蒙其德者為寫演武圖以誌不忘

○○○○封贈 據呈送者

明

宋文傑 以孫滄貴

贈通奉大夫

宋宗 以子滄貴

贈通奉大夫

楊善 以子復貴

封奉政大夫

陳宗仁 以子言貴

封登仕郎

呂桂 以子封齊貴

封奉政大夫

宋良翰 以女王妃貴

封承德郎

姚景方 以子恭貴

封文林郎

姚志 以子會極貴

封奉直大夫

姚拱極

以子大升貴

封文林郎

姚崑

以子默貴

封承德太醫院院判

宋滄

四川巡撫

授通奉大夫

楊復

戶部郎中

授奉政大夫

陳言

鴻臚寺序班

授登仕佐郎

呂封齊

刑部郎中

授奉政大夫

姚恭

獲嘉縣知縣

授文林郎

姚會極

平定州知州

授奉直大夫

姚大升

青海衛教授

授文林郎

姚默

太醫院院判

授承德郎

王密以子民望貴

贈徵仕郎

王民望通州衛經歷

授徵仕郎

魏讓以子昇貴

封奉直大夫

魏昇以明經任許州知州

授奉直大夫

呂成樂中書舍人

授徵仕郎

國朝

田有鳳庠生以孫進陞貴

贈中憲大夫

田大經庠生以子進陞貴

封中憲大夫

田進陞蘇州平陽府知府

授朝議大夫

田有麟以孫培宗貴

贈承德郎

田柳

以子培宗貴

封承德郎

培宗生父母

贈亦如之

解瑛

有孝行以子大簡貴

封修職郎

解大簡

日照縣教諭

授修職郎

魏思齊

庠生以孫起鳳貴

贈文林郎

魏墀

太學生以子起鳳貴

封文林郎

魏映水

以子俊貴

封修職郎以孫起睿貴

魏俊

以子起睿貴

封文林郎

田彥

庠生以子華城貴

封承德郎

田華城

兵馬司

授承德郎

姚裕昆

以孫學瑛貴

馳贈中憲大夫

姚炤遠

以子學琬貴

封中憲大夫

姚綏遠

以孫鳴庭貴

贈朝議大夫

姚履泰

以子鳴庭貴

贈朝議大夫

姚述

以孫之英貴

贈中憲大夫

姚敏修

以子之英貴

封中憲大夫

姚濬

以孫文炳貴

贈文林郎

姚永年

以子文炳貴

封文林郎

姚之興

以子又錫貴

封修職郎

姚而敬

以子鉅鼎貴

封修職郎

姚憲錫

以子綸貴

贈徵仕郎

姚而賢

以子掄貴

授徵仕郎

姚履中

以子篋貴

封修職佐郎

姚華宗

以孫學甲貴

贈文林郎

姚惓

以子學甲貴

封文林郎

李崇

武舉以子觀橋貴

封奉直大夫

李觀橋

湖南常德府通判

授奉直大夫

李觀泰

以子昌岐貴

封儒林郎

張倣堪

以子琮貴

封文林郎

張琮

電白縣知縣

授文林郎

軒轅姬祚

以孫華南貴

贈文林郎

軒轅譜 以子華南貴 封文林郎

傅淑說 增生以子玠石貴 封修職郎

傅米石 以子爾德貴 封修職郎

李之華 以孫敦貴 贈文林郎

李悅心 增生以子敦貴 封文林郎

李嘉理 拔貢以子廸橘貴 封修職郎

王大恒 例貢生以孫璘貴 贈儒林郎

王悅峯 太學生以子璘貴 封儒林郎

田進廷 武舉以子華嶼貴 封承德郎

田華嶼 刑部主事 授承德郎 以子鈞貴 封奉直大夫

劉元度

歲貢以子錫朋貴

封修職郎

史環

以子緯修貴

封修職郎

薛熙載

以子以晦貴

封修職郎

薛以晦

海陽教諭

授修職郎

卞化

以子德猷貴
封修職郎

國朝

武封贈

黃龍岡

守備

授武德騎尉

楊源

以孫智貴

贈武顯將軍

楊文標

以子智貴

封武顯將軍

楊智

總兵

授武顯將軍

楊豹 智弟遊擊

授武翼都尉

楊國翰 智長子都司

授昭武都尉

徐時簡 以子克享貴

封宣武都尉

徐克享 參戎 授宣武都尉

郭萬侯 以孫魯藩貴 贈武功將軍

郭武 以子魯藩貴 封武功將軍

郭魯藩 徐州副將 授武功將軍

李瀾修 以孫觀政貴 贈武翼都尉

李崇 武舉以子觀政貴 封武翼都尉

李觀政 衛千總陞廣東遊擊 授武翼都尉

姚 鈿

以子錫年貴

封武德騎尉

姚 治

以子錫年貴

封武德騎尉

姚學奎

以子鳳岐貴

封武畧騎尉

姚鳳岐

唯寧汎千總

授武畧騎尉

姚錫年

武昌衛守脩

授武德騎尉

于時強

字行卓庠生天性醇茂行誼恪純以孫承森貴贈武德佐騎尉

于永湘

字洪渠肄業太學性慷慨訓子有方以子承森貴封武德騎尉昭武都尉

于承彭

字聖友武庠生武舉金閣父孝友性成以弟承森貴馳封武德佐騎尉

于承森

侍衛授昭武都尉

向景田

以孫庭貴

封武顯將軍

向進 以子挺貴

封武顯將軍

向挺 厦門總鎮

授武將軍

向日美 衢州中營都司

授昭武都尉

向緯 荆門州遊擊

授武翼都尉

向殿魁 泰安營把總

授武信騎尉

郭琳 一等侍衛任大定協臺屬威寧鎮總兵

授武顯將軍

授武德騎

郭璫 都城大興鎮千總陞守備

郭瑀 陝西安邊保都司

授昭武都尉

奚淵 以子廷諤貴

封武信騎尉

奚恂 以弟廷諤貴

贈武信騎尉

姚品端

歲貢以孫光耀貴

贈武畧騎尉

姚棟

例貢以子光耀貴

封武畧騎尉

王邦任

以曾孫澄貴

贈振威將軍

王汝瑾

以孫澄貴

贈振威將軍

王偉烈

以子澄貴

封振威將軍

薛培莊

庠生以子報國貴

封昭信校尉

薛報國

長清千總

封昭信校尉

〇〇〇〇者壽 見於他志者不重錄

國朝

劉一燦 康熙辛巳壽百歲邑侯詳申 上憲獎以
永錫難老匾額見舊志

新增

遂漢楚 壽九十有四雍正辛亥儒學以位列香山
額其門

國端如 壽百有八歲乾隆癸未奉 旨建坊
在郭家樓現存

卞洵 字信侯壽八十有六視明聰聰黃髮兒齒
素設義學援拔寒士好宣講朱子家訓起

發愚氓子二長德允年八十六歲次德崇年八
十一歲父子三人俱臻高壽鄉鄰稱為異事

魏起兆 進士起屠胞兄壽九十有六

張思敬 兄弟四思敬居長壽八十有八次步慎壽
八十有五三殿標壽八十有一四殿卿壽

七十有九兄弟友愛白首
一堂邑人稱為一門四皓

鄭士英
四太學生舉鄉飲大賓年高德邵壽九十有

解世賢
壽八十有七子孫蕃衍曾元傑出閭里稱
之道光庚子邑宰黃獎以耆德猶新匾

王紹漢
字存璽太學生持身耿介恤孤憐貧而
事祠母能孝尤人所難壽八十有一

解班
字祥瑞壽九十有二妻王氏壽九十夫婦
偕老舉案齊眉人謂有梁鴻孟光之風

李占鰲
邑諸生壽八十有九

張天柱
壽八十有二居心忠厚處世端方道光庚
子邑宰黃獎以忠厚延祺匾額

田臻
字英三持身孝友賦性樸誠排難解紛鄉
鄰推重壽八十有三歿之日里黨悼之

李作鄰
忠信廉介壽九十有二

開際盛
恩職忠厚耿介壽九十

孔繼康 壽九十有五

逢澤昌

壽八十有二 爲人慷慨嘗獨捐修大義

下德固

壽八十有四 集西賀村寺

卞德讓

好施樂善鄉里義之壽九十一

卞德謙

壽九十

卞德蘊

壽八十有六

陶岐

壽八十有七

劉成信

壽八十有三妻高氏壽八十有五性誠懇好施與夫唱婦隨樂善不倦

周來鳳

壽九十

于文倉

和平樂易五世同堂壽八十有六廣文王以耆德衍禮旌其門

劉琪

諸生壽八十有六

謝常伸

諸生壽八十歲

谷仲祥

字興瑞勇於爲善義洽鄉評壽八十有五

谷枚卜

字從吉仲祥子居心行事卓有父風壽八十有四

解大謨

拔貢大簡胞兄壽八十有四

張廷揚

武生身無過舉品重鄉閭壽八十有八道光庚子邑宰黃獎以沒世猶稱匾額

解濤

太學生壽九十有七

讓思忠

太學生性爽直然諾不欺人多敬之壽八十有四

應中合

性孝友持家勤儉樂善好施壽八十有三

陳因

壽八十有五

游朝綱 壽八十有二 進士 邑宰黃 獎以

畢體元 壽八十歲

畢蘭臺 字石渠 庠生 壽八十歲

馬從化 壽九十有五

劉士玉 太學生 天姿明敏 學問淵博 屢試未售 壽九十有五 鄉諡文正

樊華嶺 庠生 性孝友 敦品行 施藥濟人 卒年八十有二

李文正 寬厚和平 勤於稼穡 壽九十有六

于廣勲 字欽明 孝友誠篤 輕財好施 壽一百零五歲

郭逢春 太學生 端厚老成 壽八十有三

田華永 壽九十

田華峯

壽八十有五

陶聖居

庠生天資曠達好義樂施壽九十有三

蘇世龍

字漢栖樂善好施壽八十有五子靜驗增生孫箇廩生

蘇岳

字位東壽八十有一

于承寅

字慎齋太學生性孝順寬厚樂施壽八十有一鄉鄰敬服公具屏額慶其門

蘇世榮

字豐遇壽八十歲

蘇世崇

字遵方壽八十有一

賈德謙

例貢生扶危濟困鄉鄰德之壽八十有二

蕭奕昌

庠生端方忠厚樂善好施壽八十有六

梁恩思

非義不取廉潔自持壽八十歲

陶士舉 居貧助介品式鄉壽八十有二

姜纘夔 庠生性溫厚勸學獎善常除宅舍教授生徒貧而力學者不受修金時復周給之計

五十餘年博士弟子員多出門下士林稱之壽八十有八

劉有年 壽八十有一幼業儒不圖進取遂業醫無貧富親疎求無不應兼施藥餌鄉里咸感

慕之道光庚子邑宰黃獎以年高有德匾額

張臨溪 太學生欽賜翰林張曰蘭之父行多隱德望重鄉評壽八十有五道光庚子邑

宰黃獎以澤延於世匾額

韓來學 字子佩庠生心平氣和里黨有爭忿事每數言而解以故同鄉千餘家不與訟獄者

五十年齊寧衛張給匾獎曰品高德邵壽九十有六

韓庭勳 字南軒性醇厚一生向善惜孤憐貧里人德之壽九十有八道光庚子邑宰黃獎

以尚有典
型匾額

史展

壽九十

閻德純

質樸孝臨財廉介
壽九十

孫士彥

壽八十有四

王秉禮

現年百有二歲精神康健鬚髮全青家雖
貧取予一介不苟

張明安

精神矍鑠現年九十有二

孔傳曾

字誨與為人勤儉樸誠家庭雍睦三子
九孫長子繼莘名列膠庠壽八十有二康

健猶如

少壯時

樊龍昇

太學生承父志施藥濟人教子課孫一以
讀書為事鄉鄰重之現年八十有五道光

庚子邑宰黃

獎

以耆壽如山匾額

田邦直

壽九十歲

田光珍 子及孫皆諸生現壽八十有二

田來儀 太學生壽八十有八

遂夢鐸 庠生老成持重鄉稱善人現年八十有二

谷魁元 樂善能忍飭紀敦倫現年八十有五

張元福 現壽八十有三

陳思正 持家有法正直可風壽八十有三

陶太和 太學生壽八十有二道光庚子邑宰黃獎以算等松喬匾額

杜光金 壽一百一歲子清元壽八十有六道光丁酉邑侯程獎給匾額

田待聘 幼年出嗣雖分居異爨而孝養本生父母及友愛諸弟終身如一人無間言壽八十

有六庚子邑宰黃獎以名高洛社匾額

耆壽

田華堂

壽八十有二

吳守謙

太學生忠厚和平鄉黨稱之壽八十有一

田韻鑾

壽八十歲

姚文錦

九品壽官現年八十三歲

卞守矩

太學生現年八十五歲道光庚子邑宰黃

獎以壽祺介福匾額

遂明倫

庠生遂夢后父現年八十二歲

壽婦

張氏

進士溧陽縣知縣魏起椿母壽百有三歲奉

旨建坊

劉氏

鄆邑庠生劉芳女魏起椿妻壽八十有九

張氏

史可友妻五代同堂壽百歲

閻氏

史展妻壽八十有七

王氏 解珍妻壽九十一

高氏 劉成信妻壽八十有五

趙氏 田華殿妻壽一百一十一歲事舅姑以孝教子孫以慈子一孫曾孫二元孫八來孫四

道光壬辰邑侯葉匾其門曰六世同堂

王氏 孫士彥妻壽一百一十五歲

魏氏 太學生解大喆妻精神矍鑠壽八十有六

畢氏 太學生畢國珍女拔貢解大簡妻庠生解仁里母精神強健行不假杖現壽八十

王氏 卞展生妻舉人卞德猷之曾祖母壽九十有六



